

Ebbanga Wakati W'Emirembe Omusanvu Egy'Ekklesia N'Obubonero  
Omusanvu  
Jeffersonville, Indiana, U.S.A.  
Maaci 17, 1963

1 Ab'emikwano,musiibyeyo mutyanno. Kya — kya mukisa munene okubeera wano nate mu nnyumba ya Mukama, leero, mu kusaba, n'okuba nti obulamu bwaffe okuva ku makya bukyatambulira ku — ku Maanu, n'okuba nti emmeeme zaffe zaaweerreddwa nnyo omukisa olw'okubeerawo Kwe okw'ekitalo.

Era kati, leero, tulina e . . . okutandika ku ssomo: Ebbanga Wakati w'Emirembe Omusanvu Egy'Ekklesia N'Obubonero Omusanvu. Olweggulo luno, mbadde njogerako eri mukwano gwange. Oba oli awo, Mukama ng'Ayagadde, mu biseera by'ekyeya kino, bw'Anaaba Tannantwala Ka, oba —oba, nga sigenze mitala w'amayanja, oba ekintu bwe kityo, nnina okukomawo, njagala nate nkuate ku Bugombe Omusanvu Obusembayo, olaba, era byonna bikwataganira. Ate — era olwo waliyo Ebibonyoobonyo Omusanvu Ebisembayo mu kino, era byonna bikwataganira ddala wamu, nga bwe tunaalaba nga tugenda mu maaso.

2 Kale, leero, nga tukyakkakkanako . . . Nnyinza okutwala ekiseera ekiwanvuko leero. Era ne . . . Mangu ddala bwe nnaakomawo wano, kati . . . Okubuulira kwonna kwe nnabuulira mu Phoenix, obulago bwange tebwasaakaalako, olaba. Ky'ekyo. Kati,oh, abange, nga nnabuulira nnyo! Era emirundi, nkakasa, zaali enkunngaana abiri-mu-musanvu, ne ssisaakaala bulago. Naye embeera y'obudde eya wano, mukiraba. Wano wo kwe kugamba, wano wabi bubi, kiwonvu. Embeera y'obudde bwa wano mbi, era, mumanyi, kye ntegeeza, ku bulamu,ki — ki — kibi. Omubuulizi yenna alina . . . ayogera, asooka kusaakaala bulago.

Ye — Mukwano gwange omusawo lumu yankebera obulago okulaba kiki ekyali ekikyamu, n'agamba,"Tewali n'akatono." N'agamba, "Olina obuntu obuzimbye awava eddobozi." Nti era,"Kiva ku kubuulira." Kale, nze — nze — omanyi, ekyo nkyagala. Ekyo kyanzizaamu amaanyi, kasita kiba nti kikwataganira na kubuulira, olaba. Kiba kirungi olw'Obwakabaka bwa Katonda. Kati, mu mibiri gyaffe tuyinza obutaba na kabonero ka Ye- . . . aka Yesu Kristo, nga Pawulo ke yalina, olw'okukubibwa. Naye tuyinza okuba n'akabonero nga kava mu kubuulira n'okuwaayo eddobozi lyaffe mu kuwakanya ebikyamu. N'olw'ekyo,twebaza olw'okuba tetulina kukubibwa nate, naddala okutuusa mu biseera bino.

3 Kale tu— ffe tu . . . Bameka wano abasomye Obubaka Kiseera Ki Kaakati, Bassebo? Oba, abaabuwulira, mumanyi, Kiseera Ki Kaakati Bassebo? Ekyo kintawaanyizzaamu. Bw'oba tonnaba, nnandyagadde mu ngeri emu, bw'oba osobola okubuwuliriza oba mu ngeri endala . . . Bwantawanyaamu.

Kino nnabadde njenja kukireeta ng'olukunjaana terunnatandika. Ebbanga lya — wiiki ng'emu oba ennaku kkumi eziyise, nnatawaanyizibwa nnyo. Nna . . . Ssaa — ssaa —Nnali sisobola kuba na lukunjjaana lwa kusaba oba ekintu kyonna, kuba — ssaakitegeera. Kyalabika ng'ekintu ekyali kiyinza okuba ekibi era nze ssaamanya kye kyali. Kale nze . . . Lumu ku makya ennyo, nnasituka, okugenda mu Sabino Canyon, nga, okuva awaka, wavugirwaho eddakiika asatu e . . . oba ana, okutuuka ku Sabino Canyon, olwo n'otuuka ku luguudo lwa mmayiro asatu okutuuka ku lusozi. Waggulu eyo, nsingala. Nsobola okuba eyo mu ddungu, awali ebbugumu eriweza diguli 80 ne 90, mu kiseera kino, ate bwe wayitawo eddakiika asatu mba ndi mu muzira gwa ffuuti munaana, mulaba, ku ntikko y'olusozi.

4 Gye buvuddeko, twali mu Phoenix, mu kiseera ekyo ebbugumu lyali eyo 20, ddiguli 28. Ng'abantu okuwuga, amazzi g'ekidiba bagabugumyabugumya. Era ng'okweyongerayo olugendo lwa ddakiika ana, ng'obunnyogovu bukka wansi wa zero, mu Flagstaff. Mulaba? Eyo y'enjawulo eriwo wakati w'empewo ez'olusozi n'eddungu. Era zikola nnyo ku balwadde ba asima n'abalala.

5 Kati, naye, nnayambuka mu mponko, ne nninnya waggulu nga bwe nnali nsobola. Era ne — ne — ne nsaba Mukama, nga ntudde waggulu eyo, kiki bino byonna kye byali bitegeeza, n'ebirala.Nnasoberwa, ne ssimanya kya kukola.

Bwe ntyo bwe nnalinga nsaba; ne wabaawo ekintu ekitalli kya bulijjo. Nze — nze — njagala kuba mwesimbu. Kati, mpozzi otulo twankwata. Kiyinza okuba nti kwali kuwaanyisibwa, oba kwolesebwa. Okusinga kindabikira okuba nti kwali — e — kwolesebwa. Sisobola kugaana oba okukkiriza nti kwali kwolesebwa. Kubanga, nnali mpanise emikono gyange, ngansaba, "Mukama, okubwatuka kuno kutegeeza ki? Era bamalayika Omusanvu bano abali mu kibinja kya — ekyakola Pyramid, abansitula ne boolekera ebuvanjuba, baali bategeeza ki?"

6 Nnali nnyimiridde awo, mu kusaba, ne wabaawo ekintu. Era, kati, ekintu ne kigwa mu mukono gwange. Kati mmanyi, bw'oba totegeera bintu bya mwoyo, kijja kukulabikira bulala. Naye ekintu kyagwa ku mukono gwange. Kati, bwe nnatunula, kyali kitala. Awakwatwa waakolebwa mu luulu, luulu gye nnali ndabye esingayo obulungi. Kati e —Ekikwatibwako we kikoma, mumanyi, awo . . . mu manyi, ndowooza awaba watangira engalo z'obutasalwa, bw'oba nga. . . e — abantu bwe baba balwana; kyali kya zaabu. N'ekitala kyali kiyitirivu obuwanvu, naye ng'obwogi kyenkana akagirita; era nga kimasamasa nga ffeeza. Kati kye kintu ekisingayo obulungi kye nnali ndabye. Kyali kijiira ddala mu mukono gwange bulungi. Era

nnali nkikutte. Ne njamba, "Ekyosi kirungi!" Nnakitunuulira, ne ndowooza, "Wabula omanyi, bulijjo nnalinga ntya ekitala." Nnali nneesiimye okuba nti ebiro we nnabeererawo baali tebak'yabikozesa, kubanga — nze akambe nkatya. Bwe ntyo nze nnalowooza, "Kiki kye nnandikikozesezza?"

Era bwe nnali nkyakikutte, mu mukono gwange, eddoboobi ne liija nga ligamba, "Ekyo ky'ekitala kya Kabaka." Awo ne kinvaako.

7 Kale, nze — ne nneewuunya ekyo kye kitegeesa, "Ekyo ky'ekitala kya Kabaka." Ne ndowooza, "Singa ligambye, 'kitala kya kabaka,' singa bwe kityo bwe kibadde nnandikitegedde, naye kigambye, 'Ekitala ekyo Kabaka'" Kale, nnyinza obutaba mutuufu mu kino, naye nnalowooza, "Waliwo Kabaka Omu yekka, Oyo ye Katonda. Era ekitala Kye kisala okusinga ekitala eky'obwogi obubiri, "Mube mu Nze n'Ebigambo Byange . . ." Olaba? Kati, ne —ne ndowooza . . .

Mu kulwana okw'ebitala, olaba, nze nga bwe . . . sikitegeerako n'akatono, era, wadde engeri yonna ey'okulwanyisa ebitala. Naye, nze kyetegeera, akambe kasala busazi. Kati olwo, ekisembayo, e — ebitala, bwe bigombagana, ggwe n'omulabe ne mugombaganya ebitala bwe muti, olwo kyetaagisa amaanyi g'omuntu aba alwana. Kubanga olaba, ekitala kye kijja kuba nga kisonze mu mutima gwange n'ekyange mu gugwe, kyokka nga bigombaganye, ng'obwambe bwaffe bwe bukuubagana. Olwo bwe balwana, kati ebitala ne biryoka bisisinkana. Oyo aba asudde munne wansi, ekitala akiteeka butereevu ku mutima. N'olw'ekyo kyetaagisa . . . Newankubadde Ekitala Kigambo, kyetaagisa omukono gw'okukkiriza okw'amaanyi okukinywerezaawo kireetebwe, ku mutima gw'omulabe.

8 Kati, nga simanyi bintu bino, naye . . . Kyokka kyennafuna okuva gyali, kye nsobola okubabuulira, nkibabuulidde. N'olw'ekyo, ekyo, kye mmanyi, nzikiriza nti kyali . . . Mukama waffe teyagamba nti byonna bye yafuna okuva eri Kitaffe, nti Yali Abyogedde, era nti talina kye Yalekayo? Era — era n'olw'ekyo twagala okukola ebantu ebyo nga bwe bijja.

Kati, bwe munaabeerera ddala abagezi, ne musaba, nkakasa mangu ddala waliwo kye mujja okutegeera, kati, ekintu kye nsuubira nti kibikkuddwa.

9 Kati, mu Kitabo kino, ffenna tubikkule mu — essuula 5 mu Kitabo ekiytibwa Okubikkulira kwa Yesu Kristo. Kati, olunaku Iw'enkyo ke Kabonero Akasooka. Ng'Obubonero Obuna obusooka, bubikkulwa abatudde ku mbalaasi abana, omu ku buli Kabonero ajja kunsi. Era olwo, oba oli awo, tekijja kutwala bbanga ggwanvu, oktuusa nga tumazeeko nga . . . Olwa Bbalaza, Olwokubiri, Olwokusatu, awo nga ku Lwokuna. Kati olwo, ndowooza, ku koomukaaga . . . N'Akokutaano, Akoomukaaga, n'Akabonero Akoomusanvu, oba oli awo bujja kuba buwanvu nnyo. N'olw'ekyo, mpozzi kinaabawa akaseera okufuna okuwummulako.

10 Tuteekateeka enkunngaana zibeere wano, nkakasa, ku ssaawa emu, mu nnaku enjereere. Nze nja kubeeranga ku kituuti ku ssaawa emu n'ekitundu zennyini. Ekyo osanga kijjanga kututuusa mu ttumbi. Kale — n'olw'ekyo, nze — enkyo ya leero, nnasussizzaamu essaawa nnamba. Ekyo ssaakigenderedde, nnagize bugizi . . . Simanyi ddi. Kubanga, omuvuzi w'embalaasi esooka simumanyi. Simanyi Kabonero Kaakubiri, Kaakusatu, Kaakuna, Kaakutaano Kaamukaaga oba Akoomusanvu. Nze, mukiseera kino, ssirina kye mmanyi. Nneesigamye ku Ye Yekka.

11 Kale, eyo y'ensonga Iwaki, wiiki eno ngezaako olw'ekisa kya Katonda okuyamba, nzikiriza nti, bwe munaaba mukigenze ebuziba . . . Mumanyi, mukwolesebwa, toyinza kubikkula bintu okutuusa ng'okkiriziddwa. Emirundi emeka mwenna gye mumpulidde nga njamba, "Genda mu nnyumba, oba oli awo waliwo enkufiira wano. N'omwana ono, gundi, oba gundi tajja kuwonyezebwa okutuusa eyo ng'eteekeddwa wano." Siyinza kubabuulira, oba wadde nze siyinza kugiggyawo kugiteeka awo. Erina, okugggibwawo, mu ngeri endala. Omuntu omulala alina okugikwata agiggyewo. Era, na buli kintu mu ngeri entuufu, olwo ne kiryoka kibikkulwa. N'olw'ekyo kati mube nga musaba.

12 Kati, nga tetunnaba kukwata ku Kitabo, ka twogerekoy Ali nga tukotese emitwe gyaffe. Mukama Yesu, ffenna okutwalira awamu tetusobola. Mu kiseera kino ekisingayo obutukuvu tetusobola awatali kusaba, kugezaako kutuukirira Kitabo kino ekitukuvu, ng'emmeeme ziri mu kulindirira, Mukama, Ye yekka Asobola okutubikkulira Ekitabo kino, nti Ajje kaakano, omulimu gw'omuweereza Wo omunafu Aguwe omukisa.

Wa omukisa Ekipambo nga Kigenda mu maaso. Kifulumire mu maanyi g'Omwoyo. Era omusingi gw'omwoyo ogwa . . . abo abalumwa enjala n'enyyonta nga baagala okumanya obutuukirivu ne Katonda by'Ayagala, kigwe awo era kizaale enkula yaakyo. Kituwe, Mukama. Ettendo lyonna liija kuba Liryo. Abayala n'abayonta tusaba olwa leero, bafune eky'okulya n'eky'okunywa, okuva mu Kigambo. Tukisaba mu Linnya lya Yesu, Oyo okubikkulira gwe kukwatako. Amiina.

13 Kaakati, tugenda kubikkula essuula ey'o 5. Kati, kino si bwe Bubonero Omusanvu. Lino lye Ebbanga wakati w'Emirembe Omusanvu egy'Ekkanisa n'Obubonero Omusanvu. Kati, waliwo n'essuula eyoomukaaga eya . . . Era waaliwo n'essuula eyookuna, manyanga, ey'Okubikkulira, era, mu eyo, erina engeri gye

yabikkuddemuuko ekintu ekirina okubaawo ng'Ekkanisa emaze okutwalibwa. Kati, ekkanisa esitulibwa mu ssuula ey'o 3 ey'Okubikkulirwa, era tekomawo okutuusa mu ssuula ey'o 19 ey'Okubikkulirwa. Olaba? N'olw'ekyo, mu kuyigganyizibwa Ekkanisa tebeerawo.

Mmanyi nti ekyo tekikkiriziganya kumpi — na buli muyigiriza yenna gwe nnali njogedde naye. Wabula nze — nze — sigenderera kubawa mpaka. Nze — njagala kuba muganda wammwe, wabula nze — nteekwa kuyigiriza nga bwe nkiraba. Bwe sikola bwe ntyo, sisobola ku kikwataganya, olaba. Era kati, oba esitulibwa ng'okuyigganyizibwa tekunnabaawo oba nga kumaze kubaawo, njagala kusitulibwa wamu nayo. Ekyo kye kikulu.

14 Kale, ebintu bino tu — tumala gabitwala, kubanga, obutaba na buyigirize, nkwataganya bukwataganya. Ntunula ne ndaba kiki ekiri, oba ekyali mu Ndagaano Enkadde, eyo nga kye kifaananyi oba ekisiikirize ky'Empya, olwo ne mbaako n'ekifaananyi kiki Empya ky'eri. Mulaba? Nga . . . Nga Nuwa bwe yayingira mu lyato ng'okuyigganyizibwa tekunnatandika, ekyo kifaananyi. Naye nga Nuwa tannaba na kuyingiramu lyato, Enoka yasitulibwa nga tewannabaawo kintu kyonna. Ne Luuti yayitibwa okufuluma Sodoma nga tewannatandikawo kantu konna ku kuyigganyizibwa okuzikirizibwa; naye Ibulayimu ebbanga lyonna, yali bweru waakyo. Olaba, bifaananyi.

15 Naye kati tujja kusoma olunyiriri olusooka. Nja kusoma ennyiriri bbiri oba ssatu ezisooka.

Ne ndaba mu mukono ogwa ddyo ogw'oyo eyali atudde ku ntebe ekitabo ekiwandiikkidwa munda ne kungulu, ekisibiddwa ennyo obubonero omusanvu. Ne ndaba malayika ow'amaanyi ng'abuulira n'eddoboozi ddene nti Ani asaanidde okwanjuluza ekitabo n'okubembula obubonero bwakyo omusanvu?

Ne watabaawo mu ggulu, newankubadde ku nsi, newankubadde wansi — newankubadde wansi w'ensi, eyayinza okwanjuluza ekitabo, newankubadde okukitunuulira. (Nga kitabo kya kitalo!)

Nange ne nkaaba nnyo amaziga, kubanga tewaalabika eyasaanira okwanjuluza ekitabo, newankubadde okukitunuulira.

Kati, oyogera ku obutasaanira? "Tewaali yali asaanidde na kukitunuulira; tewaali omuntu yenna, awantu wonna."

Omu ku bakadde n'anngamba nti Tokaaba laba, Empologoma ow'omu kika kya Yuda, ekikolo kya

Dawudi, yawangula, okwanjuluza ekitabo n'obubonero bwakyo omusanvu.

Ne ndaba wakati w'entebe n'ebiramu ebina, ne wakati w'abakadde, Omwana gw'endiga ng'ayimiridde ng'afaanana ng'eyattibwa, ng'alina amayembe musanvu, n'amaaso musanvu, gye myoyo omusanvu egya Katonda, egitumibwa mu nsi zonna. N'ajja n'akiggya mu mukono ogwa ddyo ogw'oyo atudde ku ntebe.

Tujja kuyimiriramu wano katono, we tubadde tusoma mu Okubikkulirwa 5 tukkirireko ku lunyiriri olwomusanvu.

16 Ekitabo kino eky'Obubonero Omusanvu kibikkulwa mu kiseera ky'Ebibwatuka Omusanvu eby'omu Kubikkulirwa 10, kati, bwe muba mwagala okukiwandiika. Leka tugende mu Okubikkulirwa 10, akaseera katono, musobole okutegeera nga tetunnakigendamu. Kati, kino kibaawo ku biseera bya nkomerero.

Kubanga, wuliriza:

. . . ndaba malayika omulala ow'amaanyi ng'akka okuva mu ggulu, ng'ayambadde ekire: nemusoke . . . ng'ali ku mutwe gwe, . . .

Bw'oba weetegerezza, Oyo ye Kristo, olaba. Kubanga, Ye, mu Ndagaano Enkadde, Yayitibwa Malayika w'Endagaano, era Ajja butereevu eri Abayudaaya kaakati, kubanga Ekkanisa emaze okugenda. Mulaba? Kale.

. . . n'amaaso ge. . . ng'enjuba, n'ebigere bye ng'empagi ez'omuliro:

Mujjukira Malayika oyo mu Kubikkulirwa 1? Kye kimu. Malayika aba "mubaka." Era Mubaka eri Israeri. Mulaba? Ekkanisa emaze okukwakkulibwa, olaba, kati, oba ng'eteekateeka okukwakkulibwa. Anona Ekkanisa Ye.

17 Kati mulabeeyo.

Era yalina mu mukono gwe akatabo akabikkuse . . .

Kati, wano, kaali kabikke era nga kasibeko; ate wano kabikkule. Kabikkuddwa. Okuva mu kiseera ekyo eky'okusibibwa, kye tugendamu leero, kati Ekitabo kibikkule. "Akatabo mu mukono Gwe, mu . . . kaali kabikkule. Oh, ng'enjuba, ng'empagi . . ." Lindako katono. Leka ntandikire eno emabega okusoma.

Era yalina mu mukono gwe akatabo akabikkuse: n'ateeka ekigere kye ekya ddyo ku nnyanja n'ekya

kkono ku nsi, N'ayogerera waggulu n'eddoboozi ddene ng'empologoma bw'ewuluguma: . . .

Tumanyi nti ye Mpologoma y'ekika kyaYuda. Wano Mwana gwa Ndiga; ate wano Mpologoma. Mulaba? . . . bwe yayogerera waggulu, ebibwatuka omusanvu ne byogera amaloboozi gaabyo.

Kati, Yokaana yaweebwa ekiragiro okuwandiika kye yalaba, kale omutume, era nnabbi, n'akwata ekkalaamu ye okukiwandiika.

Ebibwatuka omusanvu bwe byayogera amaloboozi gaabyo, nnali nga nngenda okuwandiika: ne mpulira eddoboozi eriva mu ggulu, nga lyogera nti Teeka akabonero ku ebyo ebibwatuka omusanvu bye byogedde, so tobiwandiika.

Kati, ekyo kye tutamanyi. Ekyo tekinnabikkulwa; tekiri mu Byawandiikibwa Bitukuvu, ebibwatuka ebyo kye byogera.

Malayika gwe nnalaba ng'ayimiridde ku nnyanja ne ku nsi n'ayimusa omukono gwe ogwa ddyo eri eggulu, (Kati, muwulirize)

N'alayira oli aba omulamu emirembe n'emirembe, eyatonda eggulu n'ebirimu, n'ensi n'ebintu . . . n'ebirimu, ne . . . n'enyanja n'ebirimu, nti tewalibeera kiseera nate: Mwekkaanye! Olunyiriri luuluno wano lwe njagala ntuukeko.

Naye mu nnaku z'eddoboozi lya malayika owoomusanvu, bw'aliba ng'agenda okufuuwa, ekyama kya Katonda ne kiryoka kituukirira ng'enjiri bw'eri gyeyabuulira abaddu be bannabbi.

18 Kati, mulabe, ekyama ky'Ekitabokino eky'Obubonero Omusanvu kiribikkulwa Obubaka bwa Malayika w'Ekkanisa Eyoomusanvu nga buvuga. Mulaba? "Malayika Owoomusanvu atandika okufuuwa," awo Obubaka we bwandiikirwa, era tubulinaku ntambi ne mu bitabo.

Kati, "ku ntandikwa y'okufuluma kw'Obubaka, olaba, ekyama kya Katonda mu kiseera ekyo kirina okuggwa." Kaakati tugenda kwetegereza. Ekitabo, eky'ekyama kya Katonda, tekibikkulwa okutuusa ng'Obubaka bwa Malayika Owoomusanvu buvuze. Kaakati, ensonga zino zija kuba nkulu mu Bubonero, nkakasa, kubanga byonna biteekwa okukwatagana. Kati, kyawandiikibwa mu kyama, kuba tewali muntu yenna, wantu wonna akimanyi, Katonda Yekka, Yesu Kristo, mulaba.

19 Kati, wabula kkyo . . . Kitabo, Kitabo eky'ekyama. Kitabo kya Bununuzi. Ekyo tujja kukiyingiramuuko, gye bujjako. Era kati tumanyi nti Ekitabo kino eky'Obununuzi tekigenda kutegeerekeka bulungi; bakinoonyerezza okuyita mu mirembe mukaaga egy'ekkanisa, naye ku nkomerero, Malayika Owoomusanvu bw'atandika okufuuwa ekyama kye, asibako ebitundu ebyobyonna ebitali binywevu bano abalala bye baanoonyerezza era ebyama bikka okuva ewa Katonda, ng'Ekgambokya Katonda ne bibikkula okubikkulirwa kwa Katonda kwonna, olwo obulamba bwa Katonda na buli kintu ne bitereera. Ebyama byonna, ezzadde ly'omusota, n'ebirala byonna, byakubikkulwa.

20 Kati, mulabe, ekyo sikiyiya buyiiya. Ekyo kye kiri... kiri BW'ATYO BW'AYOGERA MUKAMA. Nja kukibasomera okuva mu Kitabo, "okufuuwa kw'Obubaka bwa Malayika Owoomusanvu, ekyama kya Katonda kirina okumalirizibwa, ekyo ekyalangirirwa bannabbi Be abatukuvu," abo be bannabbi abaawandiika Ekgambo. Omulembe gw'Ekkanisa ey'Omusanvu, we gulibeererawo, omulembe gw'ekkanisa ogusembayo, buli kintu kyonna ekisagalasagala, ekyali kyekenneenyezebwa okuyita mu mirembe gino egy'ekkanisa byonna birisibibwa wamu. Kati Obubonero bwe bubembulwa, n'ekyama ne kibikkulwa, Malayika Akka, Omubaka, Kristo, ekgere Kye n'Akiteeka ku lukalu ne ku nnyanja, ng'alinanane musoke waggulu ku mutwe Gwe. Kati, jjukira, Malayika ono Owoomusanvu aba ali kunsi kino we kijjira.

21 Yokaana bwe yali ng'awa Obubaka bwe, ennaku ze zimu Masiya we yajjira mu kiseera. Yokaana yamanya nti alimulaba, kubanga yali agenda kumwanjula. Era tukiraba nti, okuba mu Byawandiikibwa, ebiri mu Malaki 4, wajja kubaayo afaanana nga Yokaana, nga — oyo ye Eriya Ekgambo kya Katonda gwe kijjira. Era wa kubikkula, ng'ayambibwako Omwoyo Omutukuvu, ebyama bya Katonda byonna, era okukkiriza kw'abaana eri bakitaabwe abatume, azzeewo ebyama bino byonna bye babadde banooonyerezza, okuyita mu myaka gino egy'amadiini. Kati, bwe kityo Ekgambo bwe kyagamba. Nze kye kyogera kye kyokka kyenvunaanyizibwako. Mulaba? Kuba, Kyawandiikibwa, ekyo kituufu. Bwe Kityo bwe kiri.

22 Kati, tulaba nti Ekitabo kino eky'Obubonero Omusanvu, kati, kye kyama ky'obununuzi. Kitabo kya Bununuzi, okuva ewa Katonda. Kati, ebyama byonna, mu kiseera kino, birina okumalirizibwa omubaka ono w'afuuyira. Kati, malayika wuuno wano ku nsi; ne Malayika "omulala", Omubaka ow'amaanyi, Akka. Laba, malayika onoyali malayika wa ku nsi, omubaka; naye wano wajjawo Omu Akka okuva mu Ggulu, n'endagaano, eya musoke, okiraba, Ayinza kuba Kristo Yekka. Nga bwe kyali ddala mu Okubikkulirwa, essuula esooka, "ng'Ayimiridde wakati w'Ebikondo by'Ettabaaza Omusanvu ebya Zaabu, ng'Alina musoke, ng'Alinga ejjinja erya Yasepi n'erya Sadiyo okulabika."

23 Era wano Akomawo, mussuula ey'ekkumi, oluvannyuma Iw'ekiseera, ebyama byonna we birina okumalirizibwa, n'Obubonero we bubembulirwa, n'okulangirirwa nti "Tewakyali kiseera nate. Era yagamba, "Malayika Owoomusanvu bw'alitandika okufuuwa, olwo ebyama biteekwa okumalirizibwa, era ky'ekiseera kya Malayika okulabika." We tuli, tuli kumpi nnyo.

24 Kale. Kati weetegereze. Obubonero Omusanvu bwe bukutte ekyama ky'Ekitabo. Okuggyako nga tulabye Obubonero obwo Omusanvu kye bwasibira omwo, ebintu ebyo tuba tuteebereza biteebereza. Kubanga, nga bwe mbabuulidde enkyo ya leero, mu bubaka bwange enkyo yaleero obwa Katonda Okwekweka mu Binyoomebwa. Mulaba, tu —tuli . . . ddala ekintu tuli bakukisubwa okuggyako nga kibikkuliddwa, kyonna, era mu ngeri entuufu ng'Omwoyo Omutukuvu y'Akikola era y'Akikakasa. Mukiraba? Singa nnabbi ayimuka n'akubuulira nti kino ky'ekyo, Katonda n'Atakikakasa, kyerabire. Olaba? Naye Katonda, buli kigambo, na buli kintu, Alina okukikakasa, okukifuula ekituufu. Olaba? N'olw'ekyo, weetegereze nti abaana Be ebintu ebyo, bye bajja okutunuulira, babe bulindaala.

25 Obubonero Musanvu ku Kitabo, bu . . . Obubonero buno Omusanvu bwe busibye Ekitabo. Olaba? Ekitabo kisibiddwa ddala. Mukiraba? [Ekibiina kiddamu, "Amiina." — Omuk.] Ekitabo kisibiddwa ddala okutuusa Obubonero buno lwe bubembulwa. Kisibiddwako n'Obubonero buno Omusanvu.

Kati, ekyo kyawufu okuva ku Bibwatuka Omusanvu. Olaba? Kino bwe Bubonero Omusanvu ku Kitabo, era Ekitabo tekijja ku— Obubonero si bwa kusumululwa okutuusa mu kiseera ky'Obubaka bwa Malayika Owoomusanvu. Olaba? N'olw'ekyo tu — tumala gakitwala butwazi; naye okubikkulirwa kwa Katonda okwa nnamaddala kwa kutuukirizibwa, mu Mazima agakakasiddwa ag'okufuuwa okwo. Kaakati, Ekgambo bwe kityo ddala bwe kyayogera, "Ebyama birina okuggwa mu kiseera ekyo." Era Ekitabo kino eky'Obubonero Omusanvu, jjukira, kyali kisibiddwa wano, mu Kubikkulirwa essuula eyookutaano, kyokka mu Kubikkulirwa essuula ey'ekkumi kibikkuddwa.

26 Kati, tugenda kulaba kiki Ekitabo kye kigamba ku ngeri gye kyabikkulwamu. Era tekimanyibwa okutuusa Omwana gw'Endiga Iw'Atoola Ekitabo, n'Abembula Obubonero, n'Abikkula Ekitabo. Olaba? Omwana gw'Endiga Alina okutoola Ekitabo. Kikisiddwa. Kati jjukira, "Teri muntu mu Ggulu, teri muntu ku nsi, ppaapa, omulabirizi, Kalidinali, omukadde w'eggwanga, k'abe ani yenna, "ayinza kubembula Bubonero obwo, oba okubikkula Ekitabo, okuggyako Omwana gw'Endiga." Era tunoonyerezza, ne tumala gatwala bintu, ne tutagala, awamu n'okubulubuuta era— era eyo y'ensonga Iwaki tuli mu muvuyo bwe guti. Naye awali okusuubiza okutukuvu nti Ekitabo kino eky'Obununuzi kiribikkulirwa ddala Omwana gw'Endiga, era n'Obubonero obulimu bulisumululwa Omwana gw'Endiga, mu nnaku ezisembayo zino kaakano ze tulimu. Kati tebumanyibwa okutuusa ng'Omwana gw'Endiga Akwata Ekitabo n'Abembula Obubonero. Kubanga, jjukira, Ekitabo kyali kiri mu mikono gy'Oyo Eyali Atudde ku Nnamulondo. "Era Omwana gw'Endiga Ajja eri Oyo Atudde ku Nnamulondo, n'Atoola Ekitabo okuva mu mukono Gwe ogwa ddyo. Atwala Ekitabo!

27 Oh, ekyo ky'ebuziba. Tujja kugezaako okukitereeza nga tusobodde, nga tuyambibwako Omwoyo Omutukuvu. Kati Ye gwe twesigamyeko. Era tujja kulaba oluvannyuma, kibeerawo mu kiseera ekivannyuma, "Ng'ekiseera kiweddey." Tewali madiini gasaanidde kuvvvuunula Kitabo kino. Tewali muntu asaanidde kukivvuunula. Omwana gw'Endiga y'Akivvuunula. Era Omwana gw'Endiga y'Akyogera, era Omwana gw'Endiga y'Ayoleka Ekgambo ne kimanyibwa, n'okulamya okuyitamu kukakasa n'Ekgambo okukifuula Ekiramu. Mulaba? Ky'ekyo kyennyini!

28 Weetegereze. Tekibikkulwa okutuusanga . . . Ekitabo kino tekibikkulwa okutuusa ng'emirembe gy'ekkanisa n'egy'amadiini giweddeko, "era tewali kiseera nate." Mukiraba? Kibikkulwa ng'emirembe gy'ekkanisa n'emirembe gy'amadiini giweddeko.

Eyo y'ensonga Iwaki ekintu kiri mu muvuyo ogwenkana wano leero. Mukiraba, bafunayo enjigiriza ey'okwekwasa, ne badduka okugenda ku ludda olumu ne bagamba, "Kye kino!" Omulala akwata enjigiriza endala, n'adduka ng'adda ku ludda luno n'agamba, "Kye kino!" Kati buli omu n'azimbawo eddiini wansi waakyo, kye tuva tuba n'ebikumi n'ebikumi by'amadiini. Naye era, mu ebyo byonna, omuvuyo ogulaba; abantu beewuunya, "Amazima kye Ki?" Eyo bw'eba nga si y'embeera yennyini ennaku zino!

29 Naye olwo bw'Asuubiza, nti, "Ekiseera ekyo nga kiweddeko, wajja kubaawo okuvuga kw'eddoboobi lya Malayika Owoomusanvu, olwo Ekitabo mu kiseera ekyo kibikkulwe, olaba." Kati, togamba, Tewali n'omu, "Ku bantu abo ab'edda eyalokoka." Naye, ebyama, bye bataasobola kutegeera! Engeri Katonda gye Yali Asobola okuba abasatu, ate ng'Ali Omu! Engeri Ebyawandiikibwa gye bisobola okugamba, "Mubatize mu Linnya lya Kitaffe, Omwana, n'Omwoyo Omutukuvu,"ne bikyuka ne bigamba, "Mubatize mu Linnya lya Yesu." Mukiraba? Oh, ebintu bingi nnyo! Kaawa alya atya ekibala n'aleetera e — ensi yonna okufaafaagana. Mulaba? Ebintu bino biyinza bitya okuba bwe bityo? Wabula ebyama ebyo byasuubizibwa kubikkulwa mu kiseera ekisembayo. Obuntu obutono, obusagalasagala obwa . . . Obwaleeta abalwanyi bano ab'ekitalo, nga Irenaeus, Martin, Omutukuvu Martin, Polycarp, n'abalala ab'enjawulo, Luther, Wesley na bano bona. Mulaba? Engeri gye bajjamu ne babeerawo ekiseera nga — engeri gye baaleetamu omusana era ne bagwakisa, naye ateebintu bingi baabireka nga — mu kizikiza.

Ne wajja Omulembe gwa Pentekoote, ng'Omulembe gwaba Luther, ne babulako katono. Naye era, kale, togamba nti tebaali batuufu. Baali batuufu. Naye waliwo obutundu obutali bunywevu obutasoboka kunnyonnyolwa. Naye olwo mu . . . Lwaki? Obubonero bwali tebunnabembulwa, okubikkulira ddala ebintu bino kiki kye biri. Olaba?

30 Naye kati, mu mulembe ogusembayo, ebyama bino byonna bya kuterezebwa bifulumizibwe. N'Obubonero bwa kubikkulwa Omwana gw'Endiga, era Abubikkule eri Ekkanisa, olwo ekiseera kibe nga kiweddeyo. Mulaba? Nga kya Kitalo! Olwo, Ekitabo, mu kiseera ekyo, kiba Kitabo kya Bununuzi. Kubanga, olwo kiba kyeyongerayo. . Kat i oluvannyuma, tujja kuleeta, engeri emitwalo ekkumi n'ena-mu-enkumi-enya gye bayingiramu, n'ebirala. Kale. Abo Bayudaaya.

31 Kati, kati, Pawulo. Ka tusomeko. Nnina ebimu ku Byawandiikibwa bino, ndowooza tusaana o — tubisome. Kati ffenna ka tubikkule; Pawulo, mu Abaefeso 1. Ndaba bangi ku bo bawandiika. Balina ebitabo byabwe era bawandiika wansi Ebyawandiikibwa byabwe, nga babiramba mu Bayibuli zaabwe olw'okukyusa. Kale, ekyo — ekyo kirungi. Mbaagala olw'okukola ekyo, olwo muddeyo eka mu kisome. Laba? Kati — mmwe bennyini bwe mubisoma, mujja kubitegeera okusingako. Olaba? Mubiigie buyizi, era musabe Katonda Abayambe okutegeera. Kati leka tusome e — Ekyawandiikibwa kye mpandiise. Kati, Abaefeso 1:13 ne 14.

*Era nammwe mu ye, bwe mwawulira ekigambo eky'amazima, enjiri ey'obulokozi bwammwe mw'oyo, n'okukkiriza bwe mwakkiriza, ne muteekebwako akabonero n'Omwoyo Omutukuvu eyasuubizibwa,*

*Gwe musingo gw'obusika bwaffe, okutuusa envuma (ya Katonda) Iw'erinunulibwa, ekitiibwa kye kitenderezebwe.*

32 Kati, nga tukyabikkudde Ebyawandiikibwa, leka tu . . . Laba, Omwoyo Omutukuvu wano, Yennyini, ke Kabonero. Omwoyo Omutukuvu Kabonero. Era Akabonero kategeeza (ki?) Omulimu oguwedde, Omwoyo Omutukuvu Kabonero eri omuntu ssekkinoomu. Era eri omuntu oyo, bw'afuna Omwoyo Omutukuvu, olwo ekiseera kye eky'okusinda kiba kikomye, olaba, kubanga gwe mulimu ogwaggwa.

33 Nga bwe nnakolanga, mu kkampuni eyakolanga enguudo z'eggaali y'omukka, era twatikkanga ebisanduko n'ebintu ebirala mu mmotokaenzimbeko bookisi nga tuteekamu emikebe n'ebintu ebitali bimu okuva mu kkolero erisiba ebintu mu mikebe. Kati, naye, olwo, ng'emmotoka tennateekebwako kabonero, omukebezi yajjanga, okulaba emmotoka oba etikkiddwa bulungi. Bwe kitaabanga bwe kityo, [Ow'oluganda Branham akuba mungalo omulundi gmu — Omuk.] bwe yeenyeenyanga omulundi ogusooka oba ekintu bwe kityo, yasaasaanya ebintu byonna n'ebimenya, era — era kkampuni enkozi y'enguudo z'eggaali y'omukka ye yavunaanyizibwanga. Omukebezi oyo yagezesanga buli kintu kyonna, okulaba oba kyalina mu kifo kyakyo ekituufu. Bwe kitaabanga bwe kityo, emmotoka yagyawulangamu nti nkyamu. Olwo yonna twagiddangamu, okutuusa omukebezibwe yamatiranga. Olwo, omukebezi bwe yamatiranga, yaggalangawo oluggi. Omukebezi yaggalanga oluggi. Omukebezi n'ateekako akaboneroku mmotoka, era tewaabanga yasabolanga kubembulako kabonero okutuusa emmotoka lwe yatuukanga gy'eraga.

34 Ekyo Omwoyo Omutukuvu ky'Abaddenga Akola. Mulaba? Agenda, n'Akebera . . . Ky'ova tosobola kuba na bintu bino n'o . . . Ogamba, "Nnayogeramu nnimi, ne ndeekaana, era nnazinira mu Mwoyo." Ekyo tekirina na wekikwataganako nakyo n'akatono. Mulaba? Omwoyo Omutukuvu Akebera omuntu oyo okutuusa Iw'Amatirira ddala n'Amany nti bali . . . Olwo, ne basibibwa okutuusa mu kifo kyabwe eky'olubeerera. Tewali kisobola kumenya (kubembula) Kabonero ako. Bayibuli . . . muwandiika wansi Ebyawandiikibwa byammwe. Abaefeso 4:30, wagamba, "So temunakuwazanga Omwoyo Omutukuvu owa Katonda, eyabateesaako akabonero okutuusa olunaku olw'okununulibwa." Munyweze ekigambo ekyo, "okununulibwa," mulaba. Okutuusa olunaku Ekitabo ky'Okununulibwa lwe kiribikkulwa, n'Omumunuzi Ajje okubanja ebibye! Tewalikiyinza kukikola. Mulaba? "Temumunakuwaza." Okulemererwa . . . Kola ebintu ebisanyusa Katonda, kubanga kaakati Ekitabo kisibeko, era naawe osibiddwako. Omwoyo Omutukuvu, Yennyini, ke Kabonero.

35 Akabonero amakulu gaako kalaga . . . Kati, bino bye bigambo bye nnajja mu nkuluze. Akabonero kategeeza "omulimu oguwedde." Era Akabonero Akoomusanvu bwe kabembulwa, ekyama kya Katonda ekyasibibwa mu bubonero buno obw'ekyama kiggwa. Okutuusa olunaku Akabonero lwe kabembulwa, olwo ekyo ekiri munda muko ne kibikkulwa.

Omuntu bw'aba yeebuuza kiki ekiri mu mmotokaenzimbeko bookisi; ogamba, "Kirina kuba kintu gundi. Waliwo ekirimu." Aba ateebereza buteebereza. Wabula akabonero bwe kakutulwa, oluggi ne luggulwa, olwo tutunulamu ne tulabira ddala kiki ekiri munda. Mukiraba? Era ekyo kya kukolebwa ku kiseera eky'enkomerero kyokka.

36 Ekintu ekirala akabonero kye kalaga, bwe "obwanna nnyini." Mulaba, Akabonero kaliko obulambe, kalaga bwa nnannyini. Bw'ogulibwa n'Omusaayi gwa Yesu Kristo n'olambibwa Omwoyo Omutukuvu, obo tokyali wa nsi obo ekintu kyonna ekyekuusa ku nsi. Oli muntu wa Katonda.

Ekintu ekirala, akabonero, "bukuumi." Akabonero kategeeza nti okuumibwa. Kati, mmwe abatakkiririza mu bukuumi obutaggwaawo, simanyi, naye akabonero kalaga okukuumibwa okutuuka ekintu gye kigenda. Zimusenze oyo agezaako okukutula akabonero ako! Era Akabonero k'Omwoyo Omutukuvu tekayinzika kukutulwa.

Mumpuliddenga nga nngamba nti abantu baagamba, "Setaani yankozesa kino." Nedda, nedda, setaani teyakikola. Wali tonnaba kuyingira munda n'osibibwako Akabonero, kubanga, bw'oba osibiddwa munda, ye aba asibiddwa bweru. Yee. Mulaba?

37 Kati, wafuluma n'ogenda gy'ali. Uh-huh. Ye yali tasobola kuyingira kujja gy'oli, kubanga engeri yokka gye yali ayinza okuyingira gy'oli kwe kuyita mu kkubo lye limulye wayitamu. Yandibadde alokokka, atukuzibwa, n'ajjuzibwa Omwoyo Omutukuvu; olwo n'abeera mugandawo. Kale, laba, bw'atyo te — teyakikola. Nedda, nedda. Wagenda bugenzi kunsalo n'okomawo, nga weegomba ebintu by'ensi. Tewagendera ddala kutuuka mu Kanani, olaba, emitalawa Yoludaani, okwo kwe kufa eri omubiri. Olaba?

38 Kati weetegereze, kati, Ekitabo kino kisibeko. Era — era wasibibwa mu Kitabo okutuusa olunaku olw'okununulibwa. Ate era, mu Baruumi 8:22 ne 23. Ka tukirabe, tujja kufuna omusingi guno, era ndowooza tujja kukitegeera okusingako buli omu bw'akyesomera yekka. Mufuneeyo Ebyawandiikiba bitono wano, tubirabe ng'obudde bukyali. Kati, tusookere ku Baruumi 8:22.

*Kubanga tumanyi ng'ebitonde byonna bisinda era birumirwa wamu okutuusa kaakano.*

*Era si ekyo kyokka, naye era naffe, abalina ebibala ebibereberye eby'Omwoyo, era naffe tusinda munda yaffe, nga tulindirira okufuuka abaana, kwe kununulibwa kw'omubiri gwaffe.*

39 Oh, owange! Oh,owange! Ffe abakadde ekyo tekitwewuliza bulungi? Kisaanye ffenna kitwewulize bulungi, okulindirira essaawa eno. Tukimanyi nti kino kiribaawo ku kuzuukira okusooka. Olaba? Obutonde businda. Tusinda. Buli kintu kisinda, kubanga tulaba nti waliwo ekitali kituufu. Era engeri yokka gy'oyniza okusinda, n'okukirindirira, ye y'okubeera nti waliwo obulamu obupya obujja, nga bwogera ku nsi empya.

40 Nga mukyala wange, gye buvuddeko katono, twagendako naye mu dduuka. Ne nngamba, "Twasanga ekintu ekitali kya bulijo; omukazi yali ayambadde ekiteeteeyi." Kyali kyewuunyisa nnyo, mulaba. Bo, baali . . . Kyenkana bona tebambala biteeteeyi, labayo. Era, mu ngeri emu, beerabize; bafuluma nga tebabirina. Kale olwo ffe . . . Beerabira mu bugenderevu.

Kale nno, olwo, Meda n'anngamba, nti, "Bill, kati Iwaki ekyo kiri bwe kityo?" bwe yabuuza.

"Oh," ne mmuddamu nti, "gwe mwoyo gw'eggwanga." Nti era, "Bwogenda mu Germany, waliwo omwoyo gwe balina. Genda mu Finland, balina omwoyo gw'eggwanga. Jjangu mu America, tulina omwoyo gw'eggwanga."

Omwovo ogw'eggwanga lyaffe kwe kubalaata, okusaagasaaga. Mumanyi Iwaki? Twazimbibwa ku njigiriza y'abatume. Twazimbibwa ku bukulembeze bw'abasajja ab'ekitalo nga Washington, Lincoln. Naye tuvuddeko ku musingi ogwo, era tumanyi nti kiri mu kkubo kijja. Tukimanyi nti waliyo bbomu nnamuzisa ewandiikkidwako erinnya lyaffe. Tukimanyi nti obuddu buli mu maaso gaffe. Tosaanye kwewuguusa.

41 Kinzikukiza, ng'abamu ku bano bannakatemba, abagenda nga — nga basaagasaaga, n'okwejeeguula, n'abakazi okugenda nga beeyisa bwe batyo, wamu, n'abasajja. Kinzikukiza bujjukiza akalenzi nga kayita mu malaalo, kafuuwa oluwa, kagezaako okwefuula mbu tekatidde. Mu butuufu, kaba katya. Olaba? Tekalina gwe kasiriwaza; kye kava kafuuwa oluwa. Mulaba? Kagezaako bugeza okugamba nti tekatidde, wabula nga katidde.

Ekyo, kye kiriwo ennaku zino. 83 Naye, oh, omukkiriza ng'alina essuubi ery'omukisa, oyo awanika waggulu emikono gye, kubanga okununulibwa kwaffe kuseembedde. Bw'alaba ebintu bino nga birabika, kiseera kya kitalo olw'omukkiriza.

42 Kati, ebintu bino, bye bisinda, mu mibiri gyaffe. Wali weetegerezza omuti, engeri gye gufubamu okufuna obulamu? Gwagala okuba omulamu. Era genderera ensolo, engeri —mu kufa, engeri gy'etawaanamu. Genderera omuntu, buli kintu, obutonde businda. Ffe, munda yaffe, tusinda. Olaba? Tumanyi nti waliwo ekikyamu. Tulaba, okuva mu nnyiriri zino, nti waliwo ekyabula, okuva ku muntu n'ensi. Ebitonde ebya buli kika, birina ekyabula, kubanga tulaba okuva mu Kigambo kino ekyalunngamizibwa nti bisinda olw'ensonga. Ggwe, tosinda nga tewali nsonga.

Nga bwe nnayogedde ku bwino, waliwo ensonga.

43 Bwe kityo bwe kiba ne mu kusabira abalwadde; okutuusa Iw'olaba kiki ekivaako omutawaana! Mmanyi eddagala, wabula nnina okunoonya kiki ekireeta omutawaana. Eyo y'ensonga Iwaki okwolesebwa kwetaagisa nnyo era kwasuubizibwa. Kubikkula ebyama by'omu mutima; kubuulira omuntu wa we wakola ensobi na kiki eky'okukola. Olaba? Si nsonga ddagala lyenkana wa ly'okozesa, amafuta genkana wa ge babafuka ku mitwe gyammwe, omuntu yenna ne bw'akuleekaanirako okwenkana wa; bwe wabaawo

ekikyamu, ajja kuberera ddala awo. Nngambye, "ajja" oyo ye Setaani.

Mulabeeyo, ennaku zino, wadde tugenze wala, mu by'eddagala, tetunnaba kumanya bikwata ku bintu bino. Ogamba, "Alina kookolo." Kale, ekyo si kintu. Ekyo, ekyo — ekyo kirituuma butuumi linnya. Ekyo kiriwa linnya lya kisawo, kookolo. Ekyo tekirinana we kikikwadirako. Eryo ly'erinnya lye tukiyita. Tukiyita buyisi linnya, kookolo. Naye nga, ddala, ekyo kye kiri, bw'okimenzaamenya, aba setaani.

44 Kati, tugamba "ekibi"; tukiyita buyisi ekibi. Bw'okimenzaamenya. Ekibi kye ki? Abantu bangi nnyo bagamba, "okunywa omwenge, obwenzi." Nedda, nedda. Ebyo bye biva mu kibi. Olaba? Ekyo ekibi kye kireeta, naye ekibi kyennyini bwe butakkiriza. Omwo mwe — mwe kiva ne kituumibwa erinnya. Bw'oba oli mukkiriza, tokola bintu ebyo. Naye si nsonga ne bw'oba ogezaako kwenkana wa okuba omutukuvu, n'okugezaako okuba omunnaddiini; bw'okola ebintu ebyo, toli mukkiriza. Ekyo kyawandiikibwa.

45 Kaakati, waliwo ekyabula, era kisinda. Kigezaako okukomawo okudda mu mbeera yaakyo eyasooka. Oyinza okukuba muli ekifaananyi omuntu okuva ku nsi n'agwa mu kinnya ekiwanvu, ng'alwana, asika, alinnya? Mu buli ngeri, bateekwa, okuvamu kinnya kino. Tebalu mu mbeera yaabwe embereberye. Bwe kityo, batiribira, baleekaana. Bawalampa ebisenge, bakaaba, oba mu ngeri efaanana bw'etyo. Ba — bakaaba kubanga baagala kuddayo nga bwe baali okusooka.

46 Eyo y'ensonga Iwaki, omuntu alwadde endwadde, abeera n'obubalagaze, n'obulumi. Lumu si bwe batyo bwe baali, naye basinda. Lwaki? Sibatereevu. Waliwo ekisobu. Basinda, bagezaako okuddayonga bwe baali nga balamu. Era obutonde n'abantu, Bayibuli nga bwe yagamba, "bisinda," kitegeezanti, tebiri mu mbeera yaabyo gye biteekwa okubeeramu. Birina we bivudde ne bigwa.

47 Kati, tettwetaaga mutu ekyo okukituvvuunulira. Mulaba? Kubanga, kwo okukimanya, tukimanyi nti, byagwa okuva mu Bulamu Obutaggwaawo. Era byafirwa ebyabyo ku Bulamu Obutaggwaawo, okuyita mu kugwa kwa Adamu ne Kaawa, abaagwa mu kufa, okuvamu Bulamu Obutaggwaawo, mu Lusuku Adeni, obutonde bwonna, wansi waabwe, ne babuteeka mu kufa.

Adamu nga tannabeerawo, tewali muti gwafa. Ensolo yali tesobola kufa, Adamu nga tannabeerawo. Era waliwo ekintu kimu kyokka ekitasobola kufa, era ekyo ye Katonda, kubangaTakoma. Era eyo y'engeri yokka gye tuyinza okwewala okufa, tulina okuba n'Obulamu Obutaggwaawo mu ffe, okusobola okuba abaana ba Katonda. Naye bwe tufa, nga bwe nnagambye mu Bubaka enkyo ya leero, twatunda obusika bwaffe eri ekibine tusomoka olukonko luno. Kati, we tuli tetusobola kutuuka Katonda w'Ali ku ludda luno olw'olukonko.

48 Kati, kwo okuba, Adamu bwe yagwa, bwe yafa, yaleeta okufa ku butonde bwonna. Kati, yaweebwa eddembe okweyisa nga bw'ayagala. Lyabaweebwa nga ffe bwe twaweebwa, okusobola okulondawo.

Kati, Adamu ne Kaawa, okusooka, ku lubereberye waaliwo omuti ogw'obutuufu n'obukyamu mu maaso gaabwe, era omuti ogwo guli mu maaso gaffe buli omu —buli omu ku ffe. Laba, Katonda Takolera Adamu oba Kaawa . . . Ogamba, "Kale, musango gwabwe." Nedda, si bwe kiri. Musango gwo. Kati, toyinza kuguteeka ku Adamu. Olina kugweteekako, kubanga obutuufu n'obukyamu biri mu maaso go. Tuli ku musingi gwe gumu nga Adamu ne Kaawa.

49 Naye okiraba, nga tununuddwa, tuba tetukyayagala kusalawo kwaffe, wabula okukwe. Olaba? Olaba? Kati, Adamu ne Kaawa baayagala okusalawo okwabwe. Baayagala okuzuula kiki kye kyali kitegeezza, okuba n'amagezi, kale, baakigezaako, ne kireeta kufa.

50 Kati, omuntu bw'anunulwa, aba takyafaayo ku zi ssikaala. Aba takyafaayo ku bintu eby'ensi, amagezi ag'ensi. Takyayagala kulondawo kwonna. Alonzeewo Kristo, era ekyo bye byonna. Anunuddwa. Takyayagala kwekulembera yekka. Alindabulinzi n'afuna Oyo Eyamutonda ky'Asalawo. Olwo n'alyoka agenda mu Linnya ly'Eyamutonda, Eyamutonda ng'Amugambye okugenda. Olaba?

Naye omuntu anoonya amagezi, ayagala okugazuula, "Ekigo kino kirungi ddala; naye eri emitala gye basinga okunsasula, n'olw'ekyo eyo gye nnaagenda." Mukiraba? Mulabeeyo, magezi.

51 Kati, Adamu bwe yayonoona, olw'okuwuliriza endowooza ya mukaziwe, mu kifo ky'okwenywerezza ku Kigambo kya Katonda, kati, ekyo kye kyayonoonesa Adamu. Mukaziwe yakubaganya ebirowoozo ne Setaani, ekyavaamu n'akitwalira Adamu, ne Adamu Ekigambo n'akisumulukukako ne yeetunda.

Naye, yafiirwa, obusika bwe, bwe yafiirwa okutabagana n'eddembe eri Obulamu. Jjukira, "Olunaku lw'olyako, ku olwo lw'ofa." Era bwe yafiirwa Obulamu bwe, yafiirwa n'obusika bwe mu Bulamu, kubanga yalina ddala obufuzi obw'oku ntikko ku nsi. Ye yali katonda w'ensi. Katonda ye Katonda w'obwengula, buli wonna. Naye mutabani we ensi eno yali wansi wa bufuzibwe. Yayogeranga, yatumanga amannya, yagambanga, yayimirizanga obutonde, yakolanga ekintu kyonnakye yayagalanga. Mukiraba? Naye, ekyo bwe yakikola, yafiirwa obusika bwe.

Kati, Adamu yayogeranga, "Olusozi luno, wano luveewo, ludde wali," era Iwakikolanga. Adamu

yayogeranga, "Omuti guno, wano, gusimbulibwewo gusimbibwe wali," ne guzikola. Mulaba? Kubanga yalinanga, obufuzi bwonna, nga katonda omutono wansi wa Katonda Omukulu, Kitaffe, kubanga yalinga mwana wa Katonda.

52 Kati, tetuyinza kuyimirirako wano eddakiika emu ne tufuna okubuulira kwaffe kwennyini! mukiraba? Oh! Oba ng'Omusaayi, luli gwakinaazanga, kibakitya kati? Tunuulira Omwana wa Katonda Oyo, Adamu Owookubiri, kye Yakola. Mulaba? N'Agamba, "Emirimu gye Nkola, nammwe muligikola." Mulaba?

Adamu yafiirwa obusika bwe, ensi. Kati, bwava mu mikono gye ne budda mu gy'oyo gwe yabuguza, Setaani. Yatunda okukkiriza kwe mu Katonda, eri endowoozaya Setaani. N'olw'ekyo, Obulamu bwe Obutaggwaawo, eddembe lye ku Muti gw'Obulamu, eddembe lye eri ensi lyali liryre, era lyonna yalisuula mu mikono gya Setaani. Yaliggya mu mikono gye n'aliteeka mu gya Setaani. N'olw'ekyo, kati, libaddenga liryre, lyakomawo kyokka ne lyonoonebwa. Era ensigo ya Adamu ezikirizza obusika Adamu bwe yandibadde abeeranabwo, obwo y'ensi. Ekyo bwe kiri, mukiraba, Ensigo ya Adamu.

53 Jjuuzi, nnayimirira, mu Tucson gye nsula. Era nnaliko gwe njogera naye, waggulu ku ntikko y'olusozi, nga ntunudde wansi. Nnagamba, "Olowoozaaki! Eyo, emyaka nga 300 egiyise nnamukadde Papago, we yajjira ng'ali ku kigaali kye ekyasikibwanga embalaasi, ne mukaziwe n'abaana be ngabatudde ku mugongo, ng'avuga wonna era ng'ali muddembe. Tewaali bwensi, tewaali butamiivu, tewaali zzaala era tebaalimu kintu kyonna kikyamu. Baali balongoofu. Era omusege gwajjanga e —buli kiro, ne gunaaba, wano mu Tucson, nga guwuluguma.

Era emitii n'ebigagi ne byanya wonna ku mbalama. Yakuwa bwe Yabitunulira nga Ateekwa okuba nga Yamwenyaamu. Naye omuzungu bwe yajja, kiki ky'akoze? Ebigagi abitemyeewo. Eggwanga alyonoonye, n'emikebe gy'omwenge n'amacupa g'enguuli. Era ayonoonye n'empisa z'eggwanga. Engeri yokka gye yali asobola okukubamu Omuyindi kwali kusaanyaawo mmereye, embogo."

54 Jjuuzi e Tombstone mu — myuziyamu, bwe nnali nsoma nnalaba ebifaananyi bya Geronimo. Era bangi ku mmwe muyinza okulowooza nti Geronimoyali kyewaggula. Nze gyendi, mmubala nti yali Mumerika nnakabala. Yali alwanirira ekyo kyennyini ekituufu Katonda kye yali Yamuwa; nga y'ensi, eggwanga, era ekifo okubeeramu. Simunenya.

Abaserikale abo abazungu bwe baayingira omwo, n'ekifuba, ne bawamba ensi, ne babatta ng'abatta ebikuukuulu by'ensowera. Era ekyo ky'ekifaananyi kyennyini ekyo Geronimo's Medical Headquarters, oba eddwaliro lye. Zaali bulangiti bbiri oba ssatu ze baaserekanga waggulu ku mukooge. Era abo abaatusibwangako ebisago, Abamerika, bannansangwa, Abayindi abo, nga balwanirira eddembe lyabwe eryabaweebwa Katonda. Awo, Geronimo ng'ali n'omwana we omuwere, ng'amuleze, ng'ali awo atunuulira abalwanyi be, batiriika omusaayi, bafa, awatali ddagala lya penisiriini oba ekintu kyonna, tewali ngeri ya kubayamba; Abamerika bennyini, Katonda be Yatonda. Olwo ne bamuyita kyewaggula? Nze mmuyita muntu mulamu.

55 Cochise teyandiwanise. Yali musajja mukadde. Naye egghe ly'Abamerika, (bonna awo nga bambadde) ne bagenda eyo ne battanga embogo. Baabaalabaala nga mukko, (era Sharpe ye yavumbula emmundu gye baakubisanga embogo) ne bagenda eyo ne bagamba, "Oh, olwa leero lunnyumidde," okukubira ku luuyi lwe — emmotoka, etali nsaanukule oba ey'abasaabaze. N'agamba, "Leero nzise ana." Embogo amakumi ana, ezandibeezesenzaawo ekika kyonna eky'Abayindi okumala emyaka ebiri oba n'okusingawo. Baazikozesanga ki? Baazirekanga mu ddungu. Ekivundu ky'emitulumbi ne kibuna mu ggwanga eggwanga ne liwunya, emisege ne girya.

56 Abayindi bwe battanga embogo, waabangawo omukolo ogw'eddiini. Yagiggyangako ebinuulo, n'abitereka okukolamu ebibya. Ennyama yaayobaagiryanga, n'ebyenda. Baddiranga ennyama yonnane bagiwanika ne bagikalirira. Eddiba lyayo baalikazanga, ne bakolamu engoye n'eweema; tewaasigalanga kintu kyonna . . .

Naye omuzungu bwe yajja, omuzungu yekywaggula. Ye mukyamu. Yayingira n'atta embogo ezo, n'abassa abayindi abo enjala. Omusajja owannamaddala alina okulwanirira eddembe lye ery'obwebange. Abamerika kye baakola Abayindi eryo bbala mu bendera y'Amerika. N'okuba, lyali ggwanga lye.

Wandikirabye otya singa Japa- . . . Japan, oba — abalala, singa Russia bayingira, ne bagamba, "Muveewo wano! Muddeyo eri," Ne — batukola ffen'abaana baffe ebyo bye twakola Abayindi abo? Naye, mujukire, twasiga, era kaakano tugenda kukungula. Mumanyi, eryo ly'etteeka lya Katonda. Waliwo eky'okusiga ate ne wabaawo n'ekiseera eky'okukungula. Ndowooza ekyo kibi nnyo; yee, ssebo.

57 Kati kiki ekyabaawo? Ezzadde lya Adamu eryayonooneka lyali lyonoonye era ne lizikiririza ddala eggwanga. Ekyo mumanyi nti Bayibuli ky'egamba? Era olw'okuba nti akoze kino, ezzadde lya Adamu eryayonooneka, Katonda Alibazikiriza. Ekyo mwagala okukisoma? Leka tulabe. Nnakiwandiise wano. Mubikkule Okubikkulirwa essuula 11, tujja kulaba. Mugende mu Kubikkulirwa essuula 11, tujja kulaba

Katonda kye Yayogera ku abo abazikiriza ensi. Essuula 11, tulabe olunyiriri 18, nkakasa Iwerwo, 11:18, kiikino.

*Amawanga ne gasunguwala n'obusungu, n'obusungu bwo ne bujja (kati mulabe obusungu bwa Katonda), n'entuuko, ez'okusaliramu omusango gw'abafu, n'ez'okuweeramu empeera yaabwe abaddu bo bannabi, n'abatukuvu, n'abo abatya erinnya lyo, abato n'abakulu; n'ezookwonooneramu—ezookwonooneramu aboonoona ensi.*

58 Kiki kye bagenda okukola? Kukungula bye baasiga. Ddala ddala. Laba ekibi bwe kibunye ku nguudo! Bameka, ku sande eno, obwenzi bwa mirundi emeka obunaakolebwa mu kibuga kino leero? Abakazi bameka abanaamenya ebirayiro byabwe eby'obufumbo, mu kawonvu kano, akayitibwa Jeffersonville? Mulowooza embuto mmeka mubuwandiike eziggyibwamu mu Chicago, mu nnaku asatu? Ziri wakati wa mitwalo ebiri n'ekitundun'emitwalo esatu buli mwezi, ng'oggyeeko ezitawandiikibwa. Omwenge gwenkana wa ogunywebwa mu kibuga Chicago? Mulowooza kiki ekibeera mu Los Angeles mu kiro ekimu? Emirundi emeka mu kibuga Jeffersonville Erinnya lya Mukama lwe lirayiriddwa obwerefere olwa leero? Ennaku zino embeera nnungiko, oba yali nnungiko edda George Rogers Clark we yajjira wano ng'ajjira ku kidyeri?

Mulabe, ensi tuygonoonedde ddala n'obugwagwa bwaffe, era Katonda Agenda kuzikiriza abo abazikiriza ensi. Katonda bw'atyo bwe Yagamba. Nnalowoozanga nti, munda yange mulimu ekintu ekyagala okwambuka eyo mu nsozi okulaba Katonda nga bwe Yagisimba.

59 Ekibuga Florida, sikuagala, mwe baateeka eminazzi emikole obukozi n'engalo. Kati, oh, abange, Waakiri okulaba goonya ng'enyeenya omukira gwayo, eddayo mu nsiko, okusinga okulaba ebyo byonna eyo bye bambala na buli kye bakola mu Hollywood, namatiribona gaabwe, n'abatamiivu baabwe. Era, oh, abange, ndowooza, "luliba lumu! Luliba lumu! Ddala.

60 Naye, mujjukire, Bayibuli etugambye, mu Matayo essuula 5, nti, "abawombeefu balisikira ensi." Ky'ekyo. "Abawombeefu n'abakkakkamu balisikira ensi." Yesu Yagamba, "Balina omukisa abawombeefu," abanyoomebwa abo abatagezaako kuba kintu kyakitalo, "Balisikira ensi," Yesu bwe Yagamba. Yee, kati, bagyonoonye, era Katonda Alibazikiriza; naye abawombeefu balisikira ensi, bw'eriba ng'emaze okulongoosebwa.

61 Kaakati, oh, abange! Kati, ekyapa kye yafiirwa kaakano kiri mu mikono nya Nnyinikyo Eysooka, Katonda Ayinza Byonna. Ekyapa eky'ensi n'eri Obulamu Obutaggwaawo, Adamu bwe yakifiirwa, emikono nya Setaani emijama ne gitasobola kikitwala; kale kwe kuddayo ewa Nnyinikyo Eysooka, Katonda Yennyini. Tugenda kukiraba, mu kaseera katono. Ekyapa, Atudde nakyo, awo ku Nnamulondo. [Ow'oluganda Branhamakuba mu ngalo emirundi ebiri — Omuk.] Oh, ekyo kikyamusa okukkiriza kwange. Ekyapa eky'Obulamu Obutaggwaawo, ekyapa eky'ekiwandiiko eky'Obulamu Obutaggwaawo, Adamu bwe yakisuula olw'okufuna amagezi mu kifo ky'okukkiriza, kyaddayo mu mikono nya Nnannyinikyo, Katonda Ayinza Byonna. Nga kya kitalo!

Kale, kirindirira. Kikola ki? Mu mikono nya Katonda, nga kirindirira okubanja okw'obununu. Yakola ekkubo ery'obununu, Yakola ekkubo erituzzaayo, era luliba lumu, Omununu Alituzzaayo. Mulaba wa gye tulaga, kaakati? Tujja kutunuulira omuntu ono ng'atudde ku Nnamulondo.

62 Kale, Alindiridde okubanja eby'obununu, Kuno kununulwa.

Ekitabo kino eky'Obununu kyeiki, ekyapa kino, ekiwandiiko ky'ekyapa? "Ogamba 'Ekiwandiiko'?" Ekiwandiiko kitegeesa ki? Kitegeesa nti kyonna kyekenneenyezeddwa okuva emabegaku ntandikwa yaakyo. Okufaanankao ng'aka—akatondo ka bwino ako enkyo ya leero, bwe kakwatagana n'ekisaabulula ekyo (buliici), kaddirayoddala emabega. N'ekibi bwe kiba kyatuddwa ne kigwa mu Musaayi gwa Yesu Kristo, oh, owange, kiwa ekiwandiiko, okuddirayo ddala nate eri Omuronzi, n'ofuuka omwana wa Katonda, ekiwandiiko ky'ekyapa kiri mu mikono nya Katonda Ayinza Byonna.

63 Oh, abange! Okununulibwa kwakyo kutegeesa obwannannyini bwonna mu mateeka eri ebyo byonna Adamu ne Kaawa bye baafirwa. Oh, abange! [Ow'oluganda Branham akuba mu ngalo omulundi gumu.] So ekyo nga kisaanye okubaako kye kikola eri Omukulisiaayo eyazaalibwa omulundi ogwokubiri! Bwannannyini obutuufu ku kiwandiiko ky'ekyapa, ekyapa eky'Obulamu Obutaggwaawo, ekitegeesa nti olina byonna Adamu ne Kaawa bye baafirwa. Kiki ekyo, ow'oluganda? Bwannannyini ku kyapa ekyo?

Adamu yali tasobola kuba na bisaanyizo bya kununulibwa. Bwe yalaba ng'akisudde, yali ayonoonye era nga yeeyawudde okuva ku Katonda, era yali kuluuyi luno olw'olukonko, kale yali tasobola kokinunula. Yali takisobola busobozi, kubanga ya — naye yennyini, yali yeetaaga okununulibwa, n'olw'ekyo teyasobola kukikola.

64 Naye etteeka lyali lyetaaga Omununu ow'omu Lulyo. Etteeka lya Katonda lyali lyetaaga Omununu ow'omu Lulyo. Oba ekyo mwagala okukiwandiika, "omununu ow'omu lulyo," mukisange mu By'Abaleevi 25. Tetujja kuba na kiseera kino kokyekenneeny, kubanga mumanyi, buli — buli kitundu kyandititte e — olunaku lulamba. Mulaba?

Naye etteeka iya Katonda lyafuna ekintu ekirala ekyaddawo. Kati, kyandibadde kitya singa Katonda teyawaayo kuteekawo kintu kirala? Naye okwagala kwamuwaliriza okukikola. Kuba, omuntu teyalina kkubo limuzzaayo, era teyalinaawo ngeri ya kuddayo. Yali agenze. Naye ekisa kya Katonda kyasanga Omununuzi Ono ow'omu Lulyo mu muntu Yesu Kristo. Etteeka ekyo kye lyali lyetaaga. ekisa ne kituukiriza ebisaanyizo byakyo. Oh, Ekisa ekyewuunyisa, nga kya ddoboozi ggwoomu!

65 Etteeka iya Katonda lyali lyetaaga ekintu ekirala ekitaaliko musango. Kati ani ataaliko musango? Buli muntu yali azaaliddwa kuyita mu kwegatta okw'omusajja na mukazi, buli omu, ng'ajja oluvannyuma Iw'okwegatta kw'omusajja n'omukazi. Era oyo yekka, ataayitamu ekyo, yali afiiriddwa eddembe ku Bulamu Obutaggwaawo n'okubeera kabaka ku nsi. Oh, bwe ndowooza ku Kyawandiikibwa ekyo, "Kubanga otununudde okutizzaayo eri Katonda, tulyoke tufuge era tube bakabaka era bakabona ku nsi." Oh, abange! Kiki ekyo? Omununuzi ow'omu Lulyo! Oh, nga twandibadde n'eby'okwogerako wano!

Weetegereze, etteeka lyali lyetaagisa Omununuzi Ow'omu Lulyo okununula ekintu ekyabula. Ekisa kyatuukiriza ekisaanyizo kino mu MuntuYesu Kristo. Ow'omu Lulyo ateequa okuzaalibwa mu lubu Iw'abantu.

66 Kati, twandibadde tutya, nga buli muntu eyazaalibwa alina oku . . . era buli muntu atasobola kulaba nti kwali kwegatta kwa mukazi na musajja, kale, oyo muzibe yennyini, olaba, kubanga buli muntu eyazaalibwa yazaalibwa mukazi. Era Katonda Yayagala Mununuzi wa mu Lulyo, era Ateekwa kuba muntu. Oh, abange! Kati ogenda kukola ki? Etteeka lyayagala Mununuzi wa mu Lulyo.

Kati, Yali tasobola kutwala Malayika. Yalina kutwala muntu, kubanga tetuli ba mu lulyo lumu ne bamalayika. Tuli ba mu lulyo lumu fekka nafekka. Malayika tagwanga. Kitonde kya njawulo, balina omubiri gwa njawulo. Tayoononanga oba ekintu kyonna. Mwawufu.

Naye etteeka lyali lyetaaga Mununuzi Ow'omu Lulyo.

Ate buli muntuyenna mu nsi yazaalibwa kuyita mu kwegatta wakati wa musajja na mukazi. Kati, temulaba, awo we kyava. Awo ekibi we kyatandikira. Kale, mulaba we kiri kati? Awo ezzadde lio ery'omusota, we liyingiriramu. Mulaba?

67 Kati, weetegereze, kyetaagisa Omununuzi ow'omu Lulyo. Era Omununuzi, Omununuzi ow'omu Lulyo, ateequa kuzaalibwa mu lubu Iw'abantu. Wano, ekyo kituleka mu buzibu. Naye leka nfuwe ekkondeere gye muli. Okuzaala okwaliwo awataali kumanya musajja kwavaamu e — ekintu. Amiina. Embeerera okuzaala yavaamu Omununuzi waffe ow'omu Lulyo. Si mulala wabula Katonda Ayinza Byonna Yafuuka Emanweri, omu ku ffe. Emmanweri! "Omununuzi ow'omu Lulyo" Yasisinkanibwa.

Olaba Katonda engeri gy'Akolamu ekisaanyizo, era tewali kye tuyinza kukola. Wabula ekisa kiyingiramu ne kibikka etteeka eryo, ne kivaamu ekintu ekyo. Amiina! [Ow'oluganda Branham akuba mu ngalo ze omulundi gumu — Omuk.]

68 Oh, bwe mulituuka Eka! Bwe ndifuna akayumba kange erudda eyo; nga Ow'oluganda Neville bw'akayimbako. Mwenna bwe muliwulira ekintu, olumu ku makya, nga kiyimba, "Ekisa ekyewuunyisa, nga kiwooma, ekyalokola omubi nga nze!" mugambanga, "Katonda Atenderezebwe! Omukadde Ow'oluganda Branham yawangula. Wuuyo awo, laba." Yee. Oh!

Ekisa kye kyayigiriza omutima gwange obutatya,

Ekisa kye kyammalako okutya;

Ekisa ekyo nga kyali kya muwendo

Essaawa we nnasookera okukkiriza!

Linda okutuusa lwe tunaakituukako, mukaseera katono! Oh, owange!

69 Kati mutunule. Ekitabo . . . Ekitabo kya Luusi kiraga ekifaananyi ekirungi ku kino, engeri Bowaazi . . . Ne Nawomi gye baalibafiiriddwa ekibanja. Ekyo, mmwe mukimanyi. Mwampulira nga nkibuilirako, temwampulira? Muwanike ku mikono gyammwe oba mwampulira ngankibuilira. Ekitegeeza mukitededde, olaba. Bowaazi yalina okufuuka omununuzi. Era ye yekka eyali akisobola. Yalinaokuba ow'omu lulyo, asingayo okuba ow'okumpi. Era okununula Nawomi, yafuna Luusi. Oyo yali Yesu, Bowaazi yali kifaananyi kya Kristo Bwe yanunula Isiraeri, Yafuna Omugole ow'omu Baamawanga. Olwo kati, mulaba, nga kya kitalo! Nkakasa, tukirina ku lutambi, waliwo we kiri wano, oba mwandyagadde okukifuna.

70 Kati weetegereze, kati, alina kuba wa mu lulyo. N'olw'ekyo, kyova olaba, Malayika yali tasobola kukikola. Omuntu yali takisobola; ateequa kuba muntu, naye tayinza kuzaalibwa mukazi, ng'ayitamu kikolwa oky'okwegatta. Kale, okuzaalibwa awatali musajja, Omwoyo Omutukuvu Yasiikiriza Malyamu. N'olw'ekyo, Yesu Teyali Muyudaaya. Yesu Teyali wa mu Baamawanga. Yesu Yali Katonda. ddala ddala. Omusaayi Gwetegwava mu kwegatta kwa musajja na mukazi. Yali Omusaayi gwa Katonda, omutukuvu

ogwatondebwa. Era tetulokoka lwa musaayi gwa Kiyudaaya, wadde omusaayi gw'Abaamawanga si gwe gutulokola. "Omusaayi gwa Katonda gwe gutulokola." Bwe kityo bwe kiri okusinziira ku Bayibuli. Bw'etyo bwiegamba. "Tulokoka na . . ."

71 Kale, mulaba, Yesu Yali Katonda. Teyali muntu waakusatu, waakuna, waakubiri. Ye Yali Omuntu Oyo. Yali Katonda, labayo. Yali Katonda, Emmanweri. Katonda Yakka okuva mu kitibwa kye, ne Yeebikkula. Ebigambo ebyo mbyagala, ebya Booth Clibborn, oluyimba olwo, olulungi olw'ekitalo.

Okuva mu kitibwa Kye, Ebigambo eby'olubeerera,

Katonda wange era Omulokozi wange Yajja,

Yesu Iye Iyali Erinnya Lye.

Yazaalibwa mu kiraalo, Eri ababe Yali mugenyi, Omuntu ow'ennaku, ow'amaziga n'ennyiike. Oh!

So nga kwetoowaza, Okutuleetera obununuzi; Mu kiro ekisirifu,

Nga tewalabikawo kamunyeenya;

Katonda, Omwagalwa, Omwegendereza,

Yateeka ku bbali ebirungi bye,

N'Akka wansi okuzza gy'Ali emmeeme yange n'okugirokola.

O nga mmwagala! Nga mmugulumiza!

Ye gwe mukka gwange, omusana gwange, byonna mu byonna!

Omumunuzi Ow'ekitalo Yafuuka Omulokozi wange,

Omuronzi ow'ekitalo Yafuuka Omulokozi wange,

Era Obulamba bwa Katonda bwonna buli mu Ye. Y'Oyo Eyatuukiriza ebisaanyizo.

72 Ekisa kyavaamu Omuntu Yesu Kristo. Era Ekitabo kino, kaakati tukisanga nga . . . Katonda Yagaziya eweema Ye, Yava mu Katonda, n'Afuuka omuntu. Yakyusa ensulo Ye, okuva mu Ayinza byonna, okufuuka omuntu; okwambala ekifaananyi ky'omuntu, Alyoke Afe, okununula omuntu. Lindako lwe tunaamulaba, nga tewali asaanira. Olaba?

73 Kale. Mu Bayibuli, Ekitabo kya Luusi, nga bwemukisoma, mujja kukisanga, nti omuntu ng'oyo yayitbwanga "goel," g-o-e-l. Yayitbwanga goel, oba, yeyalinga omuntu asobola okutuukiriza ebyetaago byonna. Era nga goel ateeckwa okuba omwetegefu okukikola, ng'ateekwa okuba nti agayagala okukikola, era ng'ateekwa kuba wa mu lulyo, nga yaddirira, oyo gw'agenda okukikolako. Kati Katonda, Omuronzi, w'Omwooyo, yafuuka muganda waffe bwe Yafuuka omuntu, Alyoke Yeetikke ekibi kyaffe, Asasule omuwendo, Atununule okutuzzaayo nate eri Katonda.

Ky'ekyo. Oyo ye Mununuzi. Kristo kaakano Atununudde. Kaakano tununuddwa. Naye Tannaba kubanja kikye. Kati, ekyo muyinza obutakikkiriza, naye mulindeeko katono, olaba. Tujja kukiraba. Mulaba?

74 Tannakibanja. Mulaba? Oba Yatwala Ekitabo ky'Okununulwa, buli kintu Adamu kye yalina na buli kyonna kye yafiirwa, Kristo Akinunula oku kizzaayo. Era Yatununula dda. Wabula Tannatweddiza; Tayinza okutuusa mu kiseera ekyategekebwa. Olwookuzuukira kulijja, ensi erizzibwa buggyaa. Kati bw'Alyeddiza ebibye, ebibye bye Yafuna bweYatununula, wabula tulikikola mu kiseera ekyategekebwa. Oh, abange!

Kino kinnyonyolwamu Kitabo kino eky'Obubonero Omusanvu kye twogerako kaakati. Kale. Ekitabo ky'Obununuzi, kyonna kinnyonyoddwa wano. Ebyo byonna, Kristo by'Alikola ku nkomerero bijja kutubikkulirwa wiiki eno, mu Bubonero Omusanvu, Katonda bw'Anaatukkiriza. Olaba? Kale. Kijja kubikkulwa.

75 Era kya kubikkulwa, Obubonero nga butusumululirwa, olwo tusobola okulaba entegeka ey'okununulibwa, eno ey'ekitalo kikiky'eri era ngeri ki gy'egenda okutuukirizibwamu. Byonna bikwekeddwa mu Kitabo kino eky'ekyama. Kisibiddwa, nga kiriko Obubonero Omusanvu, kale Omwana gw'Endiga Ye Yekka Asobola oku bubembula.

Kati . . . [Ow'oluganda Branham aliko ekimuwigudde — Omuk.] Munsonyiweko. Tulaba nti . . . Kati, oba mwandyagadde okulaba mu Byawandiikibwa, muyinza okubikkula mu Yeremiya mulabe. Bwe yali — bwe ya — ng'agenda mu buwambe bw'ensi, nga bwe mumanyi, ya — yagula kitaawe omuto . . . Omwana wa kitaawe omuto yalina —ebantu, era, yayita mu kusibibwako okwo. Era bwetuddira byonna . . . Ekyo nakyo twakiraba mu Mirembe Omusanvu Egy'ekkanisa, Obubonero obwo n'ebirala, ebiri omwo.

76 Mulaba, akabonero, mu Ndagaano Enkadde, kaalinga omuzingo, bwe kati. [Ow'oluganda Branham kati yeeyambisa olupapula okunnyonnyola omuzingo, ensiba y'akabonero n'okwelianjuluza kw'omuzingo. — Omuk.] Era waalingawo ekyama, era ekyama kino kyali kikwekeddwa. Kale, kyali kisibiddwako kyonna ne kiteekebwa wano, okubanja gundi-ne-gundi. Ate, ekyama ekiddirira ne kisibibwa kyonna ku ekyo obusika buno kye bwali, ne kiteekebwa ku luuyi luno, O — O — okubanja eri gundi -ne-gundi. Bwe bityo n'okweyergerayo okutuusa lwe kyakolanga omuzingo, kuba abantu tebaalina bitabo nga bino mu biseera ebyo. Byalinga mu muzingo, (bameka ekyo abakimanyi?) Kyali kiyitibwa muzingo. Kale, omuzingo omusibeko, wali osobola okusumululako wano ogumu, ekyali ekyama kya kino, n'okibembula, n'olyoka olaba kiki ekyali kibanjibwa. Ate n'obembula ekirala, n'olaba kiki ekyali kibanjibwa.

77 Era wano ekintu kyonna bwe Bubonero Omusanvu, ebyama bya Katonda okuva ku kuteekebwawo kw'ensi byonna bisibiddwa muno, ne bibikkulwa Obubonero Omusanvu obw'enjawulo, obwo, Katonda ng'Ayagadde, tumusaba Atukkirize tuggyeyo Obubonero buno tutunule mu Kitabo tulabe kyonnakiki kye kikwatako. Olaba? Oh, Nsubbira tulina ekiseera kya kitalo! Awo ekyama ky'okununulibwa we kisibiddwa okutuusa . . . Ekitabokino kyali tekisoboka kubikkulwa okutuusa Obubaka bwa Malayika asembayo. Omuzingo gwali guliawo. Twamanya nti gwaliwo. Twamanya nti bwali bununuzi. Twakkiriza nti bwali bununuzi.

78 Yeremiya yagamba, "Omuzingo guno guteekwa okukuumibwa . . ." nga bwe mukisoma awo, yagambanga, guteekwa okukuumibwamu kibya ekibumbe. Olaba? Oh, nga kifaananyi kirungi ekyo kye nsobola okwogerako, okumala akabanga. Omuzingo guno gwaterekebwanga mu kibya eky'ebbumba, ekibya olumu ekyafuuka omubiri, (ekitiibwa!) ne gufa, ne guzuukira nate, ne gukuumibwa mu kibya eky'ebbumba okutuusa ekiseera eky'okugulibwa. Oh, abange! Kiyitirivu!

Kale. Kaakati, Obubaka buno bwonnabuterekeddwa, okutuusa ekibya kino eky'ebbumba, okutuusa ekiseera kya Katonda ekyategekebwa, ku mubaka asembayo ku nsi. Ne bino byonna abantu abo bo bye bateeberessa, ne bagamba, "Mmanyi kiri awo. Nzirkira weekiri." Era ne bakirwanirangamu, nebakkiggyayo, ne babaako ebintu bye baggyamu. Okuyita mu kukkiriza ne bakikkiriza. Naye kaakati kigenda kutuleeterwa mu kubikkulirwa, era nga kiva mu mukono gwa Katonda n'okukakasibwa. Katonda bw'Atyo bwe Yagamba. Yakisuubiza.

79 Kati, kati katulabe. Wa, tubadde wa? Kati, tugende mu lunyiriri olwokubiri. Ekyo ekiseera kiwanvu ku lunyiriri olusooka, naye ka — leka —ka tugende ku lwokubiri. Kati, oba oli awo tetujja kulwa nnyo bwe tutyo ku lunaddirira,

Ne ndaba malayika ow'amaanyi ng'abuulira n'eddoboozi ddene, nti Ani asaanidde okwanjuluza . . . ekitabo, n'okubembula obubonero bwakyo omusanvu?

Kati, ekyo mujjukire. Ka tuddemu nate tusome olunyiriri olusooka, kyonna tulyoke tukifunire wamu.

. . . ndaba mu mukono ogwa ddyo ogw'oyo eyali atudde ku ntebe . . . Katonda! Ani Oyo? Oyo yennyini eyasooka okukwata Ekitabo ky'Obulamu. Akikutte. Katonda y'Akirina. Adamu bwe kyamuvaako, kyaddayo ewa Nnyinikyo eyasooka. Ye Nnannyinikyo. Era Yokaana (mu kwolesebwa) yatunula n'alaba mu mukono gwa ddyo ogw'oyo eyali atudde ku ntebe e — ekitabo ekiwandiikiddwa munda ne kungulu, ekisibiddwa ennyo obubonero omusanvu. Labayo, munda!

80 Kati, bwetunaagenda mu kubembula Obubonero buno, mujja kulaba, ngakiyingirira ddala mu Byawandiikibwa, okutuukira ddala emabega, ku buli kamu ku Bubonero obwo. Ekintu kyonna, awamu mu bulamba, ekyama kyonna, kiri ddala wano mu Bubonero buno. Olaba? Buli kyama kyonna eky'omu Bayibuli kiri mu Bubonero buno. [Ow'oluganda Branham akonkona ku kituuti emirundi etaano —Omuk.] Era Obubonero tebuyinza kubembulwa okutuusa ekiseera ekyo. Nja kulaga obukakafu bwakyo wano, mu kaseera katono.

81 Weetegereze. Kati, Ekitabo, jjukira, kisibeko. Kano kamu, kaakano, akabonero kano. Kati ate olwo akalala kazingeko, a kabonero. Akalala kazingeko, akabonero. Kitabo kya Bununuzi. Era ekintu kyonna, mu bulamba, kye kikola Ekitabo, erakisibiddwako n'Obubonero Musanvu. Era. Olwo, buli eno mabega ku ngulu, kubanga kizingiddwa. Ekyama ky'akabonero kiri munda. Era kigamba bugambi, "Omuvazi w'embalaasi enjeru," oba, "Omuvazi w'embalaasi enzirugavu," n'ebirala, ebiri ku ngulu. Naye ekyama ky'Ekitabo kyonna mu bulamba kiri mu Bubonero obwo, okuva mu Lubereberye okutuuka mu Kubikkulirwa. Entegeka y'Okununulibwa yonna mu bulamba ebikkulibwa mu Bubonero buno Omusanvu. Oh, kiseera kikulu. Ayi Katonda tuyambe tukifune! Olaba?

82 Kati, "Malayika ow'amaanyi . . ." Kati, olunyiriri olwokubiri. . . . Malayika ow'amaanyi, ng'abuulira, n'eddoboozi eddene, Ani asaanidde . . . (Okusaanira okukola ki?) Ani asaanidde okutoola Ekitabo, . . . Kati, tugenda kukizuula. Kaakati ekitabo kiri ludda wa? Kiri ne Nnyinikyo eyasooka, kubanga kyava kumwana, omwana wa Katonda eyasooka mu lubu Iw'abantu. Era bwe yafiirwa eddembe lye, olw'okuwliriza Setaani, yafiirwa . . . Kiki kye yakola? Yakkiriza amagezi ga setaani mu kifo ky'Ekgambo kya Katonda.

83 Kati, tetwandiyimiriddeko wano katono! Abaana ba Katonda bajja kutwala endowooza ya sseminaaliyo ku bikikwatako, mu kifo ky'Ekigambo kya Katonda. Mulaba, ekintu kye kimu Adamu kye yakola, yasuula eddembe lye. Era olwakikola, lyaddirayo ddala butereevu. Temulaba mirembe (biro) egoye we gibadde? Olaba? Lyaddirayo ddala butereevu eri nnannyiniryo eyasooka. Era Yokaana, mu Mwoyo, ayimiridde wano mu Ggulu. Yali mu kiseera kino yaakasitulwa, okuva mu Mirembe gy'Ekkanisa, olaba, yalaba Emirembe gy'Ekkanisa. Olwo n'atwalibwa waggulu, mu ssuula eyookuna. Yagamba, "Linnya okutuuka wano. Nange naakulaga ebigwanira okubeerawo oluvannyuma lw'ebyo."

84 Era n'alaba Eyali Atudde ku Ntebe, n'Ekitabo kino mu mukono Gwe, mu mukono Gwe ogwa ddyo. Kirowozeko, kaakati. Kati, olwo, mu Kitabo kinonga mwe muli Ekyapa eky'Obununuzi. Era kyali kisibiddwa n'Obubonero Musanvu. Awo Malayika n'ajja, Malayika ow'amaanyi ng'ayogera n'eddoboozi eddene, "Ani asaanidde okwanjuluza Ekitabo; okutoola Ekitabo, ani asobola okubembula Obubonero, ani yali asobola okubikkula Ekitabo?" Olaba, Malayika bwe yabuuza. Yokaana yakiraba. Era n'agamba, "Kati ani asaanidde? Leka a . . ." Oh, abange! Oba oli awo, nze nkiwulira bwentyo. "Naye, akibikkule," Malayika bw'atyo bwe yagamba, "Akibikkule."

Kino kye Kitabo ky'Obununuzi! Eno ye ntegeka y'obununuzi! Eno ye ngeri yokka gy'oyinza okununulwamu, kubanga ekyo kye kyapa eky'obununuzi obw'eggulu lyonna n'ensi. "Leka aveeyo ajje, bw'abaayagala." Oh, abange! "Ayogere kaakati oba siekyo asirikire ddala emirembe gyonna. Aveeyo abanje Ekitabo kino. Ani asaanidde okukikola?" Era Yokaana yagamba: Tewaali muntu mu Ggulu eyali asaanidde; tewaali muntu ku nsi eyali asaanidde; tewaali muntu wansi w'ensi, eyaliwo oba eyafa eyali asaanidde; tewaali n'omu eyali asaanidde.

85 Okukoowoola kwa Malayika kwali kukoowoola Omununuzi ow'omu Lulyo okulabika. Katonda Yagamba, "Nnina etteeka; Omununuzi ow'omu Lulyo y'asobola — y'asobola okukola mukifo ekyo." Omununuzi oyo ali ludda wa? Ani asobola okukitoola?"

Kyava ku Adamu, ne kijjira ddala okuyitamu batume, ne bannabbi, na buli kintu ekirala kyonna, era tewali yalabikayo. Kati, olwo kitegeesa ki?" Tewaaliwo mu Ggulu, tewaaliwo ku nsi, tewaaliwo muntu yenna eyali abaddewo." Eriya yali ayimiridde awo. Musa yali ayimiridde awo. Abantu bona baali bali awo, oba — oba abo bona abaali baafa; abantu bona abatukuvu, ne Yobu, ne ba kagezimunyyo. Bonna baali bayimiridde awo, era tewaali eyali asaanidde wadde okutunuulira Ekitabo, n'okusingira ddala okukitoola n'okubembula Obubonero.

Kaakati, olwo ppaapa ali ludda wa ne bano bona abaliwo? Omulabirizi wo ali ludda wa? Okusaanira kwaffe kuli ludda wa? Tetuliimu kantu, ky'ekyo.

86 Yakoowoola Omununuzi ow'omu Lulyo Ajje, bw'aba nga waali. Naye Yokaana yagamba, "tewaali muntu eyali asaanidde." Tekyali nti eyo teyali bantu baali basaanidde, kati, okufaanana nga Malayika; okugeza, nga, bwe twandigambye, Gabulyeri, oba Mikayiri. Naye, jjukira, yalina kuba wa mu lulyo. Jjukira, Yokaana yagamba wano, "Era tewaali m-u-n-t-u," wadde Malayika, k'abe Seraafi. Tebaali boonoonyi, wabula baaliba kika kyawufu. Baali tebagwanga. Naye ono yalina kuba mununuzi wa mu lulyo. "tewaali muntu," kubanga eyo tewali yanunula." Tewaali muntu yali asaanidde ku kitunulako." Oh, nedda! Abange, abange!

87 Kale, kyetaagisa omununuzi ow'omu lubu lw'abantu. Era yakisaba, n'atasangibwa wantu wonna. Tewaali muntu yenna. Tewaali mulabirizi, ssaabalabirizi, kabona, ab'ebitiibwa; waddee kintu kyonna . . . Tebyalina wadde obutuukirivu obumala okutunula ku Kitabo. Whew! Abange, abange! Ekyo kikalubo nnyo, naye ekyo Bayibuli kye yagamba. Nze nnokolayo bunokozi ekyo Yokaana kye yayogera.

88 Bayibuli yagamba nti Yokaana "yakaaba." Si ng'abantu abamubwe bakiyigirizza. Lumu nnawulira omusajja omu kino ng'akiyigiriza, yagamba, "Yokaana yakaaba kubanga yeessanga nga tasaanidde." Oh, omuntu yenna ali wansi w'Omwoyo Omutukuvu ekyo teyandikitutte bw'atyo, laba; wansi w'okulungamizibwa kwa Katonda, yandikitutte mu ngeri ndala. Naye,

89 Yokaana "yakaaba." Kiikino wano ndowooza ekyamukaabya . . . kubanga oba tewali yasangibwa nga asaanidde era eyali asobola okubikkula Ekitabo kino eky'Okununulibwa, obutonde bwonna bwali bugudde. Kino kye Kitabo, kino ky'ekyapa eky'obwannannyini, era nga kya kuweebwa Omununuzi w'omu Lulyo Oyo Alina ebisaanyizo. Eryo ly'Etteeka Iya Katonda Mwene, era Tayinza kwonoona Tteeka Lye, manyanga, Tayinza kuziimuula Tteeka Lye. Olaba? Katonda Yali Yeetaaga Omununuzi ow'omu Lulyo eyali asaanidde, eyali asobola okukikola, eyalina mu ye ekyali kimusobozesa okukikola. Malayika n'agamba, "Kaakati leka Omununuzi ow'omu Lulyo Aveeyo."

Yokaana n'atunula. N'atunula mu nsi wonna. Yatunula wansi w'ensi. Era tewaaliyo muntu yenna. Ebitonde byabwe byonna na buli kintu byali bibuze. Kwo okuba, Yokaana yakaaba. Buli kintu kyali kigudde.

Wadde yakaaba, naye okukaaba kwe kwatwala akaseera katono. Olwo ne wayimirira omu kubakadde,

n'agamba, "Yokaana, tokaaba." Oh, abange! Okukaaba kwe kwali kwa kaseera katono.

Yokaana yallowooza, "Oh, abange, omusajja ali ludda wa? Baabo awo bannabbi bayimiridde; naye nga baazaalibwa nga nze bwe nnazaalibwa. Baabo awo bakagezimunno. Baabo awo . . .

Oh, tewaliwo muntu yenna wano?"

90 "Njagala omuntu asobola okukikola. Njagala omuntu asobola okununula. "Era teyalabikawo, Yokaana kye yava akaaba. Oh, buli kintu kyali kigudde, n'akaaba nnyo. Era ya —yali munakuwawu, kubanga ebintu byonna, obutonde bwonna, buli kintu kyonna kyali kigudde, singa tebaasobola kulabayo muntu. Ekitiibwa kibe eri Katonda! Singa tebaafuna muntu yalina bisaanyizo ebyo, awo . . . Bulimuntu yenna, ensi yonna n'ebitonde, byali biwedde. Oh, buli kintu kyali kigudde. E — e — eddembe ly'obununuizi, eddembe ly'Obulamu Obu — Obutaggwaawo, Omusana, eddembe lino lyonna lyali livuddewo, era tewaali muntu eyali asobola kusasula muwendo. Yokaana n'atandika okukaaba, kubanga tewali eyali asaanidde, era wadde tewaali eyali asobola kutunula ku Kitabo. Oh, kyali kyetaagisa omuntu.

91 Yokaana yakaaba, kubanga tewali eyali asobola kukikola, era ebintu byonna byali bigudde.

Ne wajjavo eddoboozi okuva mu omu ku bakadde, abaali bayimiridde wakati w'ebiramu ebina era egghe eryo lyonna ery'omu ggulu, ne ligamba," Yokaana tokaaba." Oh, abange! [Ow'oluganda Branham akuba mu ngalo emirundi ebiri — Omuk.] Ekisa kya Katonda! "Yokaana, totyemuka mutima,. Tokaaba. Kubanga Empologoma ey'omu kika kya Yuda, Ekikolo era Ezzadde iya Dawudi, Awangudde." Awangudde kiteegeza"yameggana n'awangula." Oh, abange! Mu Lusuku Iw'e Gesusemani, Omusaayi Gwe bwe gwatonnya okuva mu bwenyi Bwe, Yali Awangula. Olaba? Whew! Olaba? "Empologoma, era Ekikolo kya Dawudi, alwanye, awangudde."

92 Okufaanana nga Yakobo, eyali omunyazinyazi. Bwe yasisinkana ne Malayika, yameggana. Malayika yagezaako okumuvaako, n'agamba, "Nze —sigenda kukuleka kugenda." Yameggana okutuusa Iwe yafuna kye yali ayagala. N'erinnya lye ne likyusibwa, eryali omunyazinyazi, ekitegeeza "omulimba." Ne lifuuka ki? Ne lifuuka "omulangira ne Katonda," Israeri. Yawangula.

93 Era Empologoma eno ey'omu kika kya Yuda Yawangula. Yagamba, "Yokaana, tokaaba. Kubanga Empologoma y'omu kika kya Yuda, Ekikolo kya Dawudi, Awangudde. Amaze okuwangula. Akikoze. Kiwedde, Yokaana." Whew! Oh, oh, Abange! Yaleeta ekisaanuusa amabala okugaggyawo ekizzaayo ekibi mu mikono egiriko ebifutafuta nti e . . . n'amagezi ge, agaakyonoona, omuntu. Ddala.

94 Naye Yokaana bwewaykyuka okutunula, yalaba Omwana gw'Endiga. So enjawulo nga nnene okuva ku Mpologoma! Yagamba, "Empologoma Awangudde." Laba, nate, ekyo nsobola okukikozesa awo, Katonda nga Yeekwese mu Binyoomebwaa. Yagamba, "Oyo ye Mpologoma." oyo ye kabaka w'ensolo. "Empologoma Ewangudde."Ekintu ekisingayo okuba n'amaanyi y'empologoma.

Mbaddeko mu nsiko mu Africa, ne mpulira e — entugga nga zikaaba. Ate — n'enjovu, kirimaanyi ey'ekitalo, ng'ewuuba ekikono kyayo mu bbanga, "Whee, whee, whee." Ne mpulira e — e — ensolo enkambwe ez'omu malungu nga zikaaba ziwuwwuula. Era na — n'amavuuvuumira, ne ga . . . Nze nga tuline Billy Paul nga tugalamidde mu kafo nga katimbiddwako obusansosanso. Ne tuwulira, mu kabanga kawanvuko, empologoma ng'ewuluguma, buli kintu kyonna mu ddungu ne kisirika. N'amavuuvuumira nago gaalekera awo okuvuuvuumira. Kabaka ayogera. Oh, oh, oh, oh, abange!

Leka mbabuulire, awo amadiini n'okubuuusabuusa we bigwira ku ttaka. Buli kintu kisirika Kabaka ng'ayogera. Era ono ye Kabaka. Ekyo ky'Ekgambo Kye.

95 Oh! Yagamba, "Yokaana, teweeraliikirira. Tokaaba. Toggwaamu mutima, Yokaana. Nkulina wano mu kwolesebwa; waliwo ekintu kye nkulaga. Era mmanyi wenna okutusekutuse, kubanga, omanyi, tewaliwo kya kununula; buli kintu kigudde; tewaali muntu yasobola kuba na bisaanyizo. Naye Empologoma ey'omukika kya Yuda . . ." Omanyi, eya Yuda . . . Mumanyi, twakirina wano, ku lubaawo. Akabonero, ak'ekika kya Yuda, yali mpologoma.

Jjukira, empologoma, n'e — ente ennume, n'ebi . . . n'ebirala, omutwe gw'omuntu, n'ebirala. Ate n'okutunuulira, baseraafi abo, Ekgambo ekyo; mukiseera ekyo, nga Makko, Matayo, Lukka, ne Yokaana, bona baayimirira nga beetoolodde Ekitabo ky'Ebkolwa by'Abatume.

96 Nnawulirako omuntu ng'agamba, omuweereza ow'ekitalo, ng'agamba, "Ekitabo ky'Ebkolwa by'Abatume gaali madaala budaala og'okukolerako omulimu." Gwe muzabbibu ogwasooka ekkanisa Entukuvu gwe yasooka okuzaala. Uh-huh! Yee, ssebo. Era singa guddamu okufulumya ettabi eddala, nalyo, liija kuba nga ggwo. Yee, ssebo! Mulina eyo emizabbibu ng'enduli zaagyo zaasimbibwa ku bikolo bya miti mirala, naye nga gibala nniimu. Egyandibadde gibala emicungwa. Naye . . . Olaba? Omuzabbibu ogwo — omuzabbibu ogwo bweduzaala ettabi eddala, liija kufaanana nira ddala ng'eryasooka.

Matayo, Makko, Lukka, ne Yokaana, enjiri ezo bayimiridde awo ekyo bakikuuma ekyo. Amagezi

g'omuntu; amaanyi g'empologoma; omulimu gw'ente ennume; n'obwangu bw'engo . . . manyanga, empungu. Ddala, Enjiri eyimiridde awo! Kiki? Mukijjukira ekyo Iwe twakiyigako? [Ekibiina kiddamu, "Amiina."— Omuk.] Kiri mu Mirembe Omusanvu egy'Ekkanisa.

97 Kat Yagamba, "Empologoma ey'omu kika kya Yuda." Lwaki kuva mu Yuda? Ai Yuda, "Omuggo gw'oyo afuga teguuvenga wakati mu bigere bye, okutuusa Siiro Iw'alijja. Wabula alijja ng'ayita mu Yuda." "Era Empologoma (akabonero k'ekika kya Yuda) Alwanye n'Awangula. Awangudde."

Bwe yeetoolooza amaaso okulaba wa Empologoma eyo we yali, yalaba Omwana gw'Endiga. Kyewuùnyisa, okunoonya empologoma ate n'alaba Omwana gw'Endiga. Omukadde yamuyita Mpologoma. Naye Yokaana bwe yatunula, yalaba Mwana gwa Ndiga, "Omwana gw'Endiga ogwattibwa okuva kuntandikwa y'ensi." Omwana gw'Endiga, nga gwattibwa. Kyali ki? Omwana gw'Endiga ogwo kyali ki? Gwali guliko omusaayi, nga gufumutiddwa ekiwundu. "Omwana gw'Endiga ogwali guttibwa, naye nga mulamu nate." Era ngagubunye omusaayi. Oh, abange! Ekyo oyinza otya okukitunuulira, bannange, n'osigala ng'oli mwonoonyi?

98 Omwana gw'Endiga gwavaayo. Omukadde n'agamba, "Empologoma ewangudde, Empologoma ey'omukika kya Yuda. Yokaana n'Atunula okulaba Empologoma, ne wajjavo Mwana gwa Ndiga, nga gukankana, guliko omusaayi, n'ebiwundu. Yali Awangudde. Wali osobola okumutegeera nti yali Ava mu lutalo. Yali Attiddwa, naye n'Aba mulamu nate.

99 Omanyi, wano, mukusooka Yokaana yali tannaba kutegeera Mwana gwa Ndiga ono. Yali okusooka tannayogerwako. Tewali wantu wonna, we yali Ayogeddwako.

Yokaana teyagulaba, wonna mu ggulu, bwe yali ng'atunulatunutala. Naye wano ne Guvaayo. Weetegereze gye gwava. Gwava wa? Gwava ku Nnamulondo ya Kitaffe, we Yali Atudde okuva Iwe Yali Yattibwa n'Azuukira nate. Yazuukira n' Atuula kumukono gwa ddyo ogwa Katonda, n' Abeera omulamu emirembe gyonna okuwolerezanga. Amiina. Awo Azuukidde, leero, ng'Omuvolereza, n'Omusaayi Gwe gwennyini, okuwolereza abantu abatamanyi. Kati, Oyo nzegwe nneesigamyeko. Yali Akyabikkiddwako n'ekisanuusa amabala, ekiggyawo amabala eky'okusonyiwa ebyonoono.

100 Yokaana yatunuulira Omwana gw' Endiga ogwo, Omwana gw'Endiga ne gulabika ng'ogwattibwa. Olwo n'alaba n'ategeera nga Yali Afumitiddwa, Asaliddwa, Abetenteddw, era ng'Ayiika omusaayi. Omwana gw'Endiga ng'Abunye omusaayi, Oyo ye Yatwala ekifo kyaffe.

Tekyewuunisa, Omwana gw'Endiga Anyoomebwa nti Yalina okutwala ekifo kyaffe? N'alaba Omwana gw'Endiga. Yavaayo. Yokaana yali tannamulaba, kubanga Yali eri emabega mu butakoma, era nga Yeegayirira; ng'Alaganti abo abaali bazze eri Katonda, wansi w'okuweebwayo kw'omusaayi gw'ente ennume, n'embuzi, ebyalingawo mu kifo ky'ekiweebwayo, ate era . . . Kubanga, abo abaakkiriza, baasonga ku Ye. Era Omusaayi gwali tegunnayiika, kale Yali awookubatangaaza. Yali awo okukutangaaza ggwenange. Era, Ai Katonda, Nsuubira Ali wano leero. Olwa buli mwonoonyi, Omwana gw'Endiga guttiddwa.

101 Yakuwa Ayinza Atya okulaba ekintu ekirala okuggyako Omwana gw'Endiga ogluko omusaayi nga guyimiridde awo! Omwana gw'Endiga ne gulabika kaakati mukwolesebwa, nga bwe gwali guttiddwa. Weetegereze, Ava ku Nnamulondo ya Kitaffe. Oh, kirowoozeeko! Ye, mu kwolesebwa kuno Yali Ava wa? Ava mu Kitiibwa, eyo gy' Atudde ku mukono ogwa ddyo ogwa Katonda. Ovaayo, Okugenda eri Yokaana, Yava mu Kitiibwa.

Oh, tekyandibadde kya kitibwa, leero, singa ebirowoozo byaffe eby'ekibi, biteekewa ku mabbali okumala ebbanga tusobole okumukkiriza, era Yandiviiridde ddala eyo mu kitibwa, leero, okweraga eri omuntu yenna ku mmwe! Omwana gw'Endiga ava mu kitibwa, olw'okuwolereza, kale, okubanja abanunule be!

102 Linda okutuusa Iwetunaatuuka awo, ku ssaawa eyo emu, tukwate ku "ku kitundu ky'essaawa" eky'akasiriikiriro. Awatukuvu wanyooka. Tewakyaliwo kuwolereza. Ssaddaaka evuddewo. Olwo ntebe ya kusala musango. Tekyaliko Musaayi n'akatono, kubanga Omwana gw'Endiga ogwaliko Omusaayi gwali guvuddewo. Tolinda kutuusa kiseera ekyo.

103 Mujjukira mu Ndagaano Enkadde? Omusaayi bwe gwabanga tegukyaliko ku ntebe y'okusaasira, gwalinga musango; naye omusaayi bwe gwabanga gukyaliwo awo, waabanga waliwo okusaasira. [Ow'oluganda Branham akonkona ku kituuti emirundi etaano — Omuk.] Naye Omwana gw'Endiga bwe Yavaawo, kyali kiwedde! Abaddenga ki? Abadde Muwolereza. Tewali mutu mulala! Kati olwo mbuulira Malyamu w'awolerereza. Malyamu kiki kye yali asobola okuwaayo? Omutukuvu Francis, Omutukuvu Assisi, oba omulala yenna, n'omutukuvu Cecilia, manyanga, oba omuntu omulala yenna? Yokaana talabanga batukuvu lukumi nga bavamu kutabaganya. "Yalaba Mwana gwa Ndiga, Omwana gw'Endiga Eyali yattibwa, ng'Abunye Omusaayi."

Sifaayo abatukuvu bameka abattiddwa; bona baali basaanidde okuttibwa, buli omu ku bo.

Ng'omubbii kumusaalaba bwe yagamba, "Twonoonye, era kino kitugwanidde. Naye ono omusajja talina ky'akoze."

104 Ye muntu yekka eyali asaanidde.

Wuuno Ajja, ng'Avamu kaguli ak'okuwolereza. Kaakano kiki ky'Ajjira? Mumutunuulire! Oh, oh, oh, abange! [Ow'oluganda Branham akuba mu ngalo emirundi esatu — Omuk.]

Yokaana yali akaaba. Byonna biri luddawa? Kiki ekigenda okubaawo?

Nti, "Yokaana, tokaaba," omukadde bwe yagamba, "Empologoma yiino ezze. Oyo ye yawangula." Bwe yatunula, Omwana gw'Endiga n'Ajja, ng'Abunye omusaayi, eyali attiddwa.

Ekintu kyonna ekittiddwa kibuna omusaayi. Omanyi kiba kittiddwa. Nga kisaliddwako obulago oba engeri eyo. Kyonna kiba kibunye omusaayi. Wuuno Omwana gw'Endiga Ajja, eyattibwa. Avaayo, oh, abange, (Kiki?) okubanja ebibye bye Yanunula. Amiina. Oh! Oh! Nze . . . munda yo teweewulira nga wa wandigenzeeko n'otuulako wali mu nsonda, n'okaabamu okumala akaseera?

105 Wuuno Omwana gw'Endiga Ajja, Akyaliko omusaayi. Yokaana . . . awo teyali kintu; ab'ebitiibwa bona baali bayimiridde awo, naye ku bona tekwali yali akisobola. Kale, kati, Omwana gw'Endiga kwe kujja. Ennaku ze ez'okwegayirira zaali ziweddeko, ennaku ez'okutabaganya. Awo Malayika ono w'Agendera okuyimirira awo. Ggwe linda bwe tunaatuuka mu Bubonero. "Era tewaliba kiseera nate. Ekyo bwe kiri.

"Ekitundu eky'essaawa ey'akasirrikiro" ekyo. Tunula olabe kiki ekibeerawo mu kitundu eky'essaawa ey'akasirrikiro ekyo, nga tutuuse ku kabonero akoomusanvu ku sande, Mukama ng'Ayagadde.

106 Avaayo (kukola ki?) kati Abanje ebibye. Oh, abange! Avaayo okubanja ebibye! Kati, Yali Akoze omulimu gw'Omumunuzi ow'omu lulyo. Yali Azze wansi, n'Afuuka omuntu, n'Afa. Yali Akoze omulimu gw'okununula, naye yali tannaba kubanja bibye. Kaakati Avaayo okubanja eddembe Lye (tunula olabe ekibaawo) oh, abange, eryo eryamuvirako okuttibwa, okufuuka omununuzi w'omu lulyo eri omuntu, okufa mu kifo kye, okumununula. Naye, omukadde yali mutuufu bwe yagamba nti Yali "Mpologoma," mukiraba. Omukadde yamuyita, nti, "Empologoma." Kuba, abadde nga Mwana gwa Ndiga, Omuwolereza, Omwana gw'Endiga eyaliko omusaayi, naye kati Ajja nga Empologoma.

Ennaku ze ez'okuwolereza ziweddeko. "Leka omugwagwa asigale nga mugwagwa. Leka omutuukirivu asigale nga mutuukirivu. Oyo omutukuvu asigale nga mutukuvu." Ekintu kiggaddwawo. Oh, ow'oluganda! Kati kiki? Kiki ekiddirira?

107 Kati, jjukira, kibeerawo mu Mulembe gw'Ekkanisa eyoomusanvu, n'ebiyama bya Katonda we bibikkulirwa. Kati mwekkaanye nnyo. Kino kye kintu kye muteekwa okutegeera. Kati, Abadde nga Akola omulimu Gwe ogw'okutabaganya, ng'awolereza omukkiriza. Okumala emyaka enkumi bbiri emabega eri, Mwana gwa Ndiga. Kati, Avaayo okuva mu Butaggwaawo, okutwala Ekitabo eky'ekyapa eky'obwannannyini, era n'okubembula obubonero, n'okubikkula ebyama. Ekyo kibeerawo ddi? Mukiseera eky'enkomrerero. Mukitegeera? [Ekibiina kiddamu, "Amiina." — Omuk.] Kale, ka tugende mu maaso.

Kati, Abembula Obubonero n'okusumulula ebyama byonna gye bali, eri Malayika Owoomusanvu, alina Obubaka obw'okubikkula ebyama bya Katonda byonna. Ebyama bya Katonda byonna biri mu Bubonero buno Omusanvu. Mukiraba? Ekyo kye Ya yogera wano. Ebyama byonna biri mu Bubonero buno Omusanvu.

108 Era Omwana gw'Endiga kaakati ava mu kuba Omutabaganya, wakati waKatonda n'abantu. Afuuka Empologoma. Era bw'Afuuka Empologoma, Atwala ekitabo. Eryo ddembe Lye. Katonda Akikutte, ekyama, naye kaakano Omwana gw'Endiga Ajja. Tewali yali asobola kutwala Kitabo. Kikyali mu mikono gya Katonda. Tewali ppaapa, kabona, k'abeeere ani, tebasobala kutwala (n'akatono) Ekitabo. Obubonero Omusanvu tebunnaba kubikkulwa. Mukiraba? Naye kati, Omutabaganya, Omulimu Gwe ng'Omuvolereza nga gukoleddwa, Avaayo. Era Yokaana . . . Omukadde yagamba, "Oyo y'Empologoma." Era Avaayo. Mumwekkaanye. Oh, abange! Olaba?

Avaayo okujja okutwala Ekitabo, kati mwekkaanye, okubikkula ebyama bya Katonda, abalala bye bateeberezza obuteebereza, mu mirembe gino gyonna ebibiina by'amadiini. Olwo, laba, Malayika Owoomusanvu. Singa Ekitabo kino, eky'ebiyama, kye Kigambo kya Katonda, Malayika Owoomusanvu alina kuba nnabbi, kubanga Ekgambo kya Katonda oyo gwe kijjira. Si bakabona, ba ppaapa, oba ekintu ekirala kyonna, tekiyinza kukifuna; Ekgambo tekijja eri balinga abo. Olubeerera, Ekgambo kya Katonda kijja eri nnabbi yekka.

Malaki 4 ekyokye yasuubiza. Era ng'Azze, wa kuddira ebyama bya Katonda, ekkanisa we yali ebuzaabuziddwa yonnamu madiini gano gonna, "Azzeeyo okukkiriza kw'abaana eri bakitaabwe." Olwo ensi eramulwe, eyokebwe. Oluvannyuma abatukuvu batambulire ku vvu ly'ababi, mu bufuzi obw'Emyaka Olukumi. Mukitegeera kaakati? [Ekibiina, "Amiina." — Omuk.] Kale.

109 Abalala bateeberazzanga buteebereza, mu mirembe gy'ebibiina by'amadiini. Naye, mulabe, atekwa kuba muntu ono, Malayika Owoomusanvu owa . . . Kubikkulirwa 10:1-4 ye . . . Malayika Owoomusanvu alina ebyama bya Katonda ebyamuweebwa, era amalirize ebyama byonna ebyalekebwa, okuyita mu mirembe gy'ebibiina by'amadiini.

Kati musobola okulaba ensonga Iwaki sikoona baganda bange mu bibiina by'amadiini. Enkola yabibiina by'amadiini gye mpakanya! Tebafaayo, tekibeetagisa kugezaako kukimanya, kubanga kyali tekisoboka kubikkulwa. Ky'ekyo okusinziira ku Kigambo. Baamala gakitwala bwe batyo, ne bakkiriza nti weekiri, era olw'okukkiriza ne bakitambuliram, naye kaakano obukakafu bwakyo bwolekeddwa. Amiina! Oh, abange, nga — so Ekyawandiikiba!

110 Kati wekkaanye. Kati olwo ye Ye, Omwana gw'Endiga, Atwala ekifo Kye eky'obwakabaka, abatukuvu Be nga bazze okumutikkira engule, "Mukama wa Bakama era Kabaka wa Bakabaka." Mukiraba? Mulabe, "Ekiseera kiweddeyo." Okubikkulirwa 10:6, "Tewakyali kiseera nate."

111 Genderera, Omwana gw'Endiga ono alina "Amayembe musanvu." Mwakyetegereza? "Alina amayembe musanvu." Ekyo twakakiyitamu. Amayembe gategeeza "maanyi," ku nsolo. Kati, weetegereze, Oyo Teyali nsolo, kubanga Ekitabo Yakiggya mu mukono ogwa ddyo ogw'Oyo Eyali Atudde ku Nnamulondo, mulaba?

Mwetegereze. Oh, abange! Nkakasa ekyo waliwo we nnakiandiise; oh, okubembula Obubonero, n'okusumulula ekyapa, ekyapa eky'obwannannyini, ne — Obubaka eri malayika asembayo. Era atwala ekifo Kye eky'obwakabaka, ekyo kaakati ky'avaayo okukola. Kati mwekkaanye, "Amayembe omusanvu," bw'Avaayo.

Kati, bwe yalaba Omwana gw'Endiga Ono, Yokaana bwe yamutunuulira, gwa — gwalabika ng'Ogwattibwa, nga Guliko omusaayi. Era Avudde mu Butaggwaawo, era Yakoma okuba Omutabaganya. Kati olwo ggwe saba Malyamu nga bw'oyagal!

"Tewaaliyo muntu mu ggulu ne ku nsi oba omuntu yenna, tewaali kintu kyonna, tewaali mulala yali asobola kukitoola." Yokaana kyamukaabya n'okumukaabya. Oh, mukwano gwange Omukatoliki, ekyo tokiraba? Okusaba kwo kuleme okuba eri omuntu omufu. Omwana gw'Endiga ye Mutabaganya Yekka, okiraba? Ye Yavaayo.

112 Era kati kiki kye Yakola? Abadde nga eyo ng'Awolereza, okutuusa Omusaayi Gwe lwe gusasulidde buli muntu era Omwana gw'Endiga, kati, amanyi ebiri mu Kitabo. N'olw'ekyo, Yamanya nti amannya gaabwe gaawandiikiba omwo okuva ku ntandikwa y'ensi, kale Abadde nga eyo nga . . . era — era, naye, ng'Akola omulimu ogw'okutabaganya bw'Ati okutuusa . . . Omulimu ogw'okutabaganya, okutuusabuli muntu eyateekebwa mu Kitabo anunuddwa, neguggwa. Olwo kati Atambula n'Avaawo.

113 Olaba? Akoze omulimu Gwe ogw'omuntu ow'omu lulyo. Ye byonna . . . Mumanyi omulimu ogw'omuntu ow'omu lulyo kikikye gwali? Okujulira mu maaso g'abakadde. Mujjukira Bowaazi nga yeesammulako engatto, n'ebirala? Bino byonna Abikoze kaakati. Kati, Ajja okutwala Omugole We. Amiina. Ajja nga Kabaka; Anoonya Nnaabakyala We. Amiina. Mu Kitabo kino ekyama kyakyo kyonna, kizingiddwa mu Kitabokino, nga kyetooloddwa Obubonero Omusanvu. Oh, ow'oluganda! Obubonero Omusanvu, bumulindiridde okuja.

Weetegereze. Leka tugende ku bubonero buno. Kale, ssaawa zaakawera essatu. Tukyasigazzaayo, essaawa ssatu oba n'okusingawo. Tulina . . . Ka tu . . . Setaani agenda mu maaso ng'anngamba nti abantu abo bakooye, kale ndowooza bakooye. Naye ka tu — katukirabe kino, mu buli ngeri.

114 "Amayembe omusanvu ze zaali ekkanisa omusanvu," laba, Emirembe Omusanvu egy'Ekkanisa, kubanga obwo bwe bwali obukuumi bw'Omwana gw'Endiga. Kye Yakozenza okukuma eddembe Lye ku nsi be bantu Katonda be Yatuma. Laba, ejembe ku Mwana gw'Endiga. "Amaaso omusanvu" be babaka omusanvu ab'Emirembe Omusanvu egy'Ekkanisa. "Amaaso musanvu," abalabi omusanvu.

115 Mwandyagadde okubaako Ebyawandiikiba bye muwandiika? Ka tubikkuleyo. Kiki kye mugamba, mulina ekiseera ekyo kyonna? [Ekibiina, "Amiina." — Omuk.] Kale. Ka tugende mu Zekkaliya, Ekitabo kya — ekyo Zekkaliya, katonoko, era tu — ebimu ku bino tujja kubisoma. Nze — ssaagala kubalwisa nnyo ku bintu bino. Era — era nja . . . Naye, so ng'ate, ssaagala mukisubwe. Kiki ekisinga kino obukulu? [Ekibiinakiddamu, "Amiina." — Omuk.] Yee. Kiki ekisinga . . . [Waliwo omuntu mu kibiina agamba, "Ow'oluganda Branham?"] Eki? ["Ekyotokigeraageranya."] Teri kikulu kusinga Bulamu Butaggwaawo eri omuntu. Era tuteekwa — kino tuteekwa okukifuna kati, era — era mukakase nti tukiraba. Kale. Kale, ssebo.

116 Kati twagala okusoma Zekkaliya essuula eyookusatu. Ndowooza ekyo kituufu, kaakati, Zekkaliya essuula eyookusatu. Tugenda bugenzi kuyingira mu bubonero buno wano, Ebyawandiikiba byange bwe mba nnabiandiise. Mbadde ndeekaana buleekaanyi buli wamu, olweggulo luno, kino bwe nkiguddeko. Kale nze — ssimanyi oba nkifunye bulungi oba nedda. Ka nsuubire nti ndi mutuufu. Zekkaliya 3, ka tulabe oba ki . . . Wano nnawandiise 89, naye kiteekwa kuba 8 okutuuka 9. Kale. Kale. Mmanyi tekiyinza kuba

89. Zekkaliya 3:8 ne 9. Kale,

*wulira, Yosuwa; kabona asinga obukulu, ggwe ne banno abatuula mu maaso go; kubanga be bantu ab'akabonero bano; kubanga, laba, ndireeta omuddu wange ETTAB1 (Kristo) Kubanga, laba, ejinja lye nteesemu maaso ga Yosuwa; ku (jjinja) ejinja limukuliko amaaso musanvu: (amaaso musanvu), laba, ndyolako enjola zaalyo, bw'ayogera MUKAMA w'eggye, . . . ndiggyamu obubi mu nsi eyo ku lunaku lumu.*

117 Kati, lekatubikkule Zekkaliya, 4:10, 4:10. Muwulirize:

*. . . ye ani anyoomye olunaku lw'ebitono? (Katonda mu binyoomebwa, olaba)? kubanga balisanyuka, era . . . baliraba ejinja erigera mu ngalo za Zerubbaber, ne . . . bano omusanvu, gano ge maaso ga MUKAMA, gaddukanaddukana mu nsi zonna.*

"Amaaso omusanvu." amaaso kitegeeza "kulaba." Okulaba kitegeeza "bannabbi, abalabi." "Omwana gw'Endiga ono yalina amayembe musanvu, era buli jjembe kwaliko eriiso, "amaaso musanvu." Kye kiki? Kristo n'Omugole We; emirembe omusanvu egy'ekkanisa. Omwo mwalimu bannabbi omusanvu abaavaayo, abalabi musanvu, amaaso. N'olw'ekyo, asembayo ateequa kuba mulabi. [Ow'oluganda Branham akonkona ku kituuti emirundi ebiri nga bw'agamba, "omulabi." —Omuk.] Kale.

118 Weetegereze, sinsolo. "Yatoola Ekitabo okuva mu mukono ogwa ddyo ogw'Oyo Eyali Atudde muNnamulondo." Yali ani? E — Nnannyini, Nnannyini eyasooka, eyalina Ekitabo ky'Obununuzi mu mukono Gwe ogwa ddyo. Era tewali malayika, tewaali malayika yenna, tewaali kintu kirala kyonna kiyinza kutwala kifo. "Era Omwana gw'Endiga Ono Eyaliko omusaayi Yafuluma n'Atoola ekitabo okuva mumukono Gwe." Whew! Kyali ki? Ow'oluganda, kino mu Byawandiikibwa kye kintu ekisingayo okuba eky'ekitiibwa. Amiina.Ekikolwa, nga Malayika, wadde ekintu ekiralakyonna kye kyali kitasobola kukola. "Omwana gw'Endiga n'Ajja n'akitoola mu mukono ogwa ddyo ogw'Oyo Eyali Atudde ku Nnamulondo." Kati kiki? Kati kiri mu buyinza bwa Mwana gwa Ndiga. Amiina.

119 Amateeka ga Katonda gaali geetaaga ebisaanyizo. Ye Yabirina. Etteeka lya Katonda ly'abanja Omununuzi ow'omu Lulyo. Kati Omwana gw'Endiga n'avaayo, ng'alirina. "Nze ow'omululyo lwabwe. Nze ow'omu lulyo lwabwe. Nze kati. . . mbeegayiriridde, era kati nzize okubanja eddembe lyabwe ku lwabwe." Amiina. Waaliwo omu yekka. "Nzize okubanja eddembe lyabwe. Basobole okuba n'eddeme ku ebyo byonna bye baafirwa mu kugwa, era omuwendo ngusasudde." Oh, ow'oluganda! Whew! Ekyo mundaayo tekikwongera okukkiriza? [Ekibiina kiddamu, "Amiina."— Omuk.] "Si lwa bikolwa birungi bye nkoze, nayelwa kusaasira Kwe." Oh, lindako katono! Olwo abakadde na buli kintu ne batandika okuggyako engule, ab'ebitiibwa ne batandika okweyala, mulaba.

120 Tewali, tewali n'omu yali asobola kukikola. Era Atambuliraddala okugenda ku mukono ogwa ddyo ogwa Katonda. N'Amuggyako Ekitabo mu mukono Gwe, n'Abanja ebibye. "Mbafiriridde. Nze Mununuzi waabwe ow'omu Lulyo. Ndi. Ndi Mutabaganya. Omusaayi Gwange gwayiika. Nfuusemuntu. Era kino Nnakikola okusobola okuzzaayo ekklesia eyo nate, eyo gye Nalaba edda ng'emisingi gy'ensi teginnabaawo. Nnagitegeka. Ne njoogra, nti eribeerawo. Era tewaali yasobola kugitwala, naye Nnakka Nze Mwennyini ne Nnikola. Ndi wa mu lulyo lwabwe. Nafuuka muganda waabwe. "N'Atoola Ekitabo. Amiina!

Oh, olwaleero ani annindiridde awo? Ani Oyo, Kkanisa, annindiridde awo? Kiki ekirala ekyandikulindiridde? Omununuzi oyo ow'omu Lulyo! Oh, abange! Ekikolwa ekyo oba ekigambo ekyo nga kikulu.

121 Kati Alina Ekyapaku kununula. Akirina mu mukono Gwe. Okutabaganya ku kolebwa kaakati. Akirinamu mukono Gwe. Jjukira, ekiseera kyonna kibadde nga mu mukono gwa Katonda, naye kaakati kiri mu mukono gw'Omwana gw'Endiga.

Kati wekkaanye. Ekyapa eky'Obununuzi, eri obutonde bwonna, kiri mu mukono Gwe. Era, Azze okukibanja, ku lw'olulyo lw'omuntu. Si kukibanja kiddeyo eri Bamalayika, kukibanja kiddeyo eri abantu, be kyaweebwa, okuddamu nate okuzaala abaana ba Katonda ab'obuwala n'ab'obulensi; okubazzaayo nate mu Lusuku Adeni, n'ebyo byonna bye baafirwa; obutonde bwonna, emit, obulamu bw'ensolo, buli kintu ekirala kyonna. Oh, abange! Ekyo munda yammwe tekibeeuwila bulungi? Whew! [Ekibiina kiddamu, "Amiina." — Omuk.]

122 Mbadde ndowooza nti nkooye naye kati siri mukoowu. Olaba? Oluusi ndowooza nti nngenda — njenda nkaddiwa obutasobola kubuulira, naye ate bwe ndaba ekintu ekifaanana bwe kityo, ndowooza nkyali muvubuka. Yee. Uh-huh. Hum! Kirina kye kikola gy'oli. Olaba? Kubanga kino okimanyi, nti waliwo eyo Omuntu Annindiridde. Waliyo Eyansasulira omuwendo gwe nnali sisobola kusasula; ekyo bwele. Yakinkolera. Charlie, Yakikolera. Yakikolera olubu lw'abantu lwonna. Era kaakano Ajja okubanja eddembe Lye ery'obununuzi. Alibanjira ani? Si Ye okulyeddiza; wabula ffe. Ali omu ku ffe. Muganda waffe. Oh, abange! Oyo Muganda wange. Mulokozi wange. Mununuzi wange ow'omu Lulyo.

Ye Byonna. Kuba nnali ki waataali, oba nnandibadde kiw'Atali? Kale, mulaba, Ye Byonna gye ndi. Era

Ayimiridde awo nga Muganda waffe. Era kati Abaddenga Atuwoloreza, okutuusa mu kiseera kino. Kati Ajja okutoola Ekitabo ky'Obununuzi, okubanja eddembe Lye, ery'ebyo bye Yatukolera.

123 Baafa. Yesu Yagamba, "Oyo Akkiriza Nze, ne bw'alifa, aliba mulamu nate. Buli abeera mu Nze n'anzikiriza Nze talifa. Oyo alya omubiri Gwange n'anywa n'Omusaayi Gwange alina Obulamu Obutaggwaawo, era Ndimuzuukiza ku lunaku olw'enkomerero."

Si nsonga, ne bwe yeebaka mu kisisimuka ekisooka, ekyokubiri, ekyokusatu, ekyokuna, ekyokutaano, ekyomukaaga oba ekyomusanvu, wonna we yeebakira. Kiki ekitibeerawo? Akagombe ka Katonda kalivuga. Akagombe k'enkomerero ako kalibwatuka, mu kiseera kye kimu nga malayika asembayo awa Obubaka bwe n'Akabonero akasembayo kabikkulwe, era akagombe ako akasembayo kalivuga, era Omununuzi Avaayo okutwala ebibye bye Yanunula, Ekkanisa ye, enaaziddwa n'omusaayi.

124 Kati, oh, obutonde bwonna buli mu mukono Gwe kaakano, okusibiddwa entegeka yonna mu bulamba ey'okununula ng'ekigisibye bwe Bubonero (envumbo) Omusanvu obw'ebýama mu Kitabo kino kye Yatoola. Kati mwekkaanye! Era ye yekka Asobola okukibikkula eri oyo gw'Aba Alonte. Akirina mumukono Gwe, mulaba. Kati, Yasuubiza kiribeera mukiseera ekyo, kati, kubanga kisibiddwako n'Obubonero Musanvu obw'ekyama,

Ekitabo ky'Obununuzi. Kati mwekkaanye. Nga kati . . . Ab'emikwano, ngabwe nnabagambye nti nngenda kubata ku ssaawa bbiri n'ekitundu, naye nzigyeke emiko gy'empapula esatu oba ena okufuna kino. Kale njagala . . . Nnayingidde dda mu ssaawa essatu. Mulyoke musobole okukomawo enkyo.

125 Naye kati, Ekitabo kino ekisibiddwa Obubonero Omusanvu, eky'Obununuzi, Omwana gw'Endiga kye Yatoola, Ye kennyini, ye yali Asobola yekka okukikola. Kati, n'Akiggya mu mukono ogwa ddyo ogw'Oyo Eyali Atudde ku Nnamulondo, okubanja obununuzi Bwe, okubanja eddembe Lye, okutubanjira, nze naawe, ekyo kye Ya tununulira. Mukiraba, kuddayo eri byonna Adamu bye yafirwa mu Lusuku Adeni. Atununudde okutuzzaayo mu ebyo.

126 Kaakati, Omwana gw'Endiga, ng'Ali n'Ekitabo mu mukono Gwe, twetegese okusaba Atuwe ekisa Kye n'okusaasira Kwe, okutubikkulira Ekitabo kino eky'Obubonero Omusanvu, era tusobole okulengerako katono, emitala w'Olutimbe Iw'ekiseera. Oh, abange!

Weetegereze bwe yali Atoola Ekitabo, Ekyapa, kisibiddwa, (ekyo mukiteeke mu mitima gyammwe, kaakati) n'Abembula Obubonero bw'ekyama okububikkula, okubuleeta eri abantu Be, laba, bona abaanunulibwa. Kati, kino bwe tunaakikwatako mu Bubonero, tujja kuddayo eyo tulabe emyoyo egoy wansi w'ekyoto nga gikaaba, "Mukama, olituusa wa, olituusa wa?"

127 Era wano Ali nga Omutabaganya, ku kyoto, "mulindeko katono, waliwo abalala abalina okuyita mu kubonaabona nga mmwe." Naye kati Ajja okuva wano, mu Kabonero kano Akasembayo. Takyali Mutabaganya. Kati Kabaka. Era kiki ky'Akola? Bw'Aba Kabaka, alina okuba ne b'Afuga. Era abo b'Afuga b'ebu baanunudde, era tebayinza kujja mu maaso Ge okutuusa nga Atutte eddembe ly'obununuzi. Era kati avaayo, okuva mu kuba Omutabaganya; okufa we kwatuteera mu ntaana, Avaayo n'eddembe. Amiina.

"Era n'abo abalamu era abaasigalawo okutuusa okujja Kwe, tebaliziyiza abo abeebaka. Kubanga Akagombe ka Katonda kalivuga, Akagombe ako ak'enkomerero." Nga Akabonero akasembayo kabembuddwa, era Malayika Owoomusanvu awa Obubaka bwe. "Akagombe akavannyuma kalivuga, n'abafu mu Kristo balizuukira. Naffe abalamu abaasigalawo tulisitulibwa wamu nabo, okumusisinkana mu bbanga." Abanja! Avaayo okubanja e — ekikye.

Mwekkaanye! Mulabe kino! Abange! Yabembula Obubonero, n'Abikkula ebyama. Yabibikkulira (wa?) eri omulembe gw'ekkanisa ogusembayo, oguliwo gwokka. Emirala gyonna gyebase.

128 Yagamba, "Bw'Ajja mu kisisimuka ekisooka, ekisimuka ekyokubiri, ekisimuka ekyokusatu, okutuukira ddala ku kisisimuka eky'omusanvu." Mukisisimuka ekyomusanvu, waafuluma e — ekitagiro oba okuyitibwa, "Laba Anaawasa omugole Ajja!" Era bwe kyabaawo, embeerera abaali beebase, amakanisa gonna leero, baagamba, "Oh, mumanyi, nze —nze nzikiriza njagala okufuna Omwoyo Omutukuvu oyo." Mwetegerezza Abapresbyterian ne ba Episcopalian? Obubaka bwange mwabuwulira mu Phoenix, eri abantu abo, eyo mu lupapula oluyitibwa Voice, nga bagamba . . . Kale, omuwandiisi ono abadde ki, okugamba, "Kitaffe Omutukuvu Gundii"? Ate, nga Bayibuli yagamba nti, "Omuntu yenna temumuyitanga, 'Kitaffe,' bwe kityo." Labayo, beebase wamu nabo, eyo y'ensonga, naye bwe bavaayo ne bagamba, "Yee, tukkiriza."

129 Omukazi yayita omukazi omulala, n'agamba, "Omanyi, ndi mu Episcopalian." Nti, "Nze — nze — jjuuzi nnayogera mu nnimi. Nkakasa nnafuna Omwoyo Omutukuvu, naye, shhh, tobkulira omuntu yenna." Ekyo nkibuusa buusizza ddala. Oyinza okuba nga wayogera mu nnimi, naye omuntu bw'omukoleezaako omuliro, anaatuula atya n'asirika? Toyinza kukikola. Ky'ekyo. Olaba? Olaba? Tasobola kukikola.

okugamba, "Oh, kati tufunye Omwoyo Omutukuvu, naye kaakati ndowooza tugira tusirika"? Ow'oluganda, baafulumira mu madirisa, ne mu nzigi, nabuli kimu, ne bagenda, mu nguudo, nga beeyisa ng'abatamiivu. Oyo ye Mwoyo Omutukuvu Yennyini.

130 Naye, mulaba, embeerera abo abeebase tebalina kye bafuna, mu buli ngeri. Uh-huh. Ky'ekyo. Era mujjukire, bwe baali bagenze okugezaako okugula amafuta, jjukira, Ebyawandiikibwa tebigamba nti baagafuna. Naye bwe baali bagezaako okugagula, eddoboozi ne lifuluma. Kiki ekyabeerawo? Embeerera abo bona abaaali beebase, baasituka ne balongoosa ettabaaza zaabwe, "ne bayingira ku kyeggulo." Si bwe kiri? [Ekibiina kiddamu, "Amiina." — Omuk.] Era abaasigalawo baalekebwa okuyita mu kiseera eky'ekibonyoobonyo, mazima, okukaaba, ebiwoobe n'okuluma obugigi." Eyo y'ekkanisa, siye mugole; kkanisa. Omugole yayingira. Waliwo enjawulo nnene wakati w'ekkanisa n'Omugole. Yee, ssebo! Uh-huh."Baayingira ku kyeggulo ky'embaga y'obugole."Oh, owange, weetegereze! [Ow'oluganda Branham akuba mu ngalo omulundi gumu — Omuk.]

131 Obubonero bwabembulwa. (Lwaki?) Mu mulembe gw'ekkanisa ogusembayo, okubikkula amazima gano. Lwaki? Omwana gw'Endiga Yabembula Obubonero n'Abubikkulira Ekkanisa Ye, Alyoke Akunjyaanye abantu Be olw'Obwakabaka Bwe. Omugole We, Mukiraba! Oh, owange! Ayagala okwerefetera abantu Be kaakati.

Kiki? Okuva mu nfuufu y'ensi, okuva ku ntobo y'enyanja, okuva mu binnya, okuva buli wantu mu buli kifo, okuva mu — okuva mu bifo eby'ekizikiza, okuva mu lusuku (Paradise), wonna we balibeera. Ajja kubayita, era bajja kwanukula. Amiina! Amiina! [Ekibiina, "Amiina."] Ajjakuyita, era bajja kwanukula.

Yajja okutwala abantu Be. Yabikkula ebyama Bye, ne bakiraba. "Tewaliba kiseera nate," mukiseera ekyo. "Ekiseera kiweddewo." Kiwedde. Kale.

132 Ava ku Nnamulondo, Abeere Omuwolerez, ng'Omwana gw'Endiga eyattibwa; Abeere Empologoma, Kabaka; okuleeta ensi mu musango, abo abagaanye Obubaka Bwe. Si Mutabaganya kati.

Mujjukire enjigiriza y'Endagaano Enkadde kaakati, nga bwe twanguwa. Omusaayi bwe gwavanga ku ntebe ey'okusaasira, kyalingaki? Ntebe ya musango. Era Omwana gw'Endiga, Eyattibwa, bweyavaayo mu Butakoma, okuva mu Nnamulondo ya Kitaffe, n'Atwala eddembe Lye, yafuuka ntebe ya musango. Olwo Teyafuuka mwana gwa Ndiga, wabula Mpologoma, Kabaka, era Atumya Nnaabakyala We okujja amuyimirire ku mabbali. "Temumanyi ng'abatukuvu balisalira ensi omusango?"

133 Danyeri yagamba nti, "Omusango gwateekebwawo, n'ebitabo ne bibikkulwa; era obukumi n'obukumi ne bamuweereza," Kabaka ne Nnaabakyala. "Ate Ekitabo ekirala, ne kibikkulwa, ekkyo kye kyali Ekitabo ky'Obulamu," Ekyo kya kkanisa. Era Nnaabakyala ne Kabaka ne bayimirira awo.

134 Ng'ekikokko ky'omulaalo bwe yagamba:

Jjuuzi nga ngalamidde mu lukoola,  
 Nnatunuulidde emmunyeeny mu bbanga,  
 Ne nneebuuza oba omulaalo  
 Alisitulibwa okugenda eyo awalungi.  
 Waliwo ekkubo, erigenda mu  
 kifo ekkyo ekirungi ek'yessanyu,  
 Wabula ekkubo, ffunda, bwe bagamba,  
 Naye eggazi eryo erigenda mu kuzikirirra,  
 Lyonna lyakaayakana.  
 Boogeraku mulala alina obwa Nnannyini,  
 Ayogera ng'akozesa, olulimi lw'ebigambo by'obulamu bwe ng'omulunzi.  
 Bw'oba wali obaddeko mu kukunngaanya ente, wandikirabye bulungi.  
 Boogera ku mulala omukulu alina obwa Nnannyini,  
 Era Ye ne bw'Aba n'enningi, mbu tezimuyitirirako bungi,  
 Olubeerera omwonoonyi amukolerawo ekifo  
 Ekinaamuyisa mu kkubo eryo eggolokofu, effunda. Bagamba nti Talikuleka,  
 Era Amayi buli kikolwa n'entunula;

Olw'okwekuuma, tufune obulambe, Amannya gaffe gawandiikibwe mu lukalala oluli mu Kitabo Kye.

Kuba bagamba nti walibaawo okukungaana okw'ekitalo,

Abalaalo Iwe baliyimirira ng'obuyana obutalina bannyaabwe Okulambibwa abatwazi b'omu musango (bannabbi abo era abalabi)

Abaatumibwa era abamanyi buli kika.

135 Bw'oba nga wali obaddeko mu kukunngaanya, n'olaba ng'omukulu ayimirira, abalaalo nga balamba ekiraalo ky'ente ezo. Ajja kulaba ekika ekikiye nga kiyitawo, atemye ku mukama we, mukama we ajja kukiraba, naye addemu ng'amunyeenyeza ku mutwe. Embalaasi ye edduka ne yeetooloola bw'eti, nga yeetooloola ente zino ezirambiddwa nga zisalibwa amayembe n'eyawulako ente ezize. Olaba?

Bagamba nti eribaayo okukunngaanya okukulu,

Era abavubuka abalaalo baliyimirira ng'obuyana obutalina bamaama baabwo,

Obulirambibwa abatwazi b'omu musango,

Abo abaatumibwa era abamanyi buli kika. (Mukiraba?)

Kye yava agamba: Ndowooza nze ndiba mbalaasi ento ewabye,

Muntu buntu asaliddwa omusango gw'okufa, nga talambiddwa,

(Oyo, gwe bafumba enva, mulaba), Alisalibwako n'ezo ezitali nnungi,

Mukama w'abalaalo bw'alijja.

Mulaba ky'Ali? Mukama w'abalaalo. Oyo ye Mwana gw'Endiga, eri Ababaka Omusanvu abaatumibwa era abamanyi buli bulambe. Olaba? Hum!

136 Weetegereze, wano Ajja-Ava ku Nnamulondo ng'Omuvolereza, ng'Omwanan gw'Endiga Eyattibwa; okufuuka empologoma, Kabaka, okuleeta ensi yonna mukulamulwa, b'ebo abaagaana. Omununuzi Muganda waffe olwo Ye Kabaka wa bona. Lwaki? Y'Alina Ekyapa eky'Obununuzi. Kyonna kiri mu mukono Gwe. Ndi musanyufu okubanga mmumanyi. Olaba? Olwo Abanja obusika Bwe; ng'eyoy'Ekkanisa, Omugole. Amubanja. Olwo Akola ki?Yeggyako omuvuganya We, Setaani. Amusuula mu nnyanja ey'omuliro, n'abo bona abaalunngamizibwanga Setaani, okugaana Ekigambo Kye eky'obununuzi.

137 Ye Kabaka kati.

Okusaasira kukyali ku Nnamulondo. Togaana ekyo ky'agaba. Olaba? Abalunzi bamanyi ky'oli. Era, kati, omuvuganya We, amutawaanyizza emyaka enkumi ebbiri, ng'agamba mbu, "nsobola okubakozesa kyonna kye njagala. Nkyabalina. Bange. Nze . . . Ekyapa baakisuula dda."

Naye ye Mununuzi ow'omu Lulyo. Yagamba Ali wano ng'Awolereza kati. Naye lumu . . .

Agamba, "Ndibateeka mu ntaana." Naye Yagamba Ekkanisa nti, "Ndibaggyayo." Mulaba? "Naye, okusooka, Nnina kuba Muvolereza."

138 Kati Avaayo, Avaayo eri emitala mu Butaggwaawo, okuva ku Nnamulondo ya Kitaffe w'Atudde ng'Omuvolereza. Kati Ajja okuba Kabaka. Oh, okufuga amawanga gonna n'omuggo ogw'ekyuma. Omusango gutegekedwa. Oh, ow'oluganda, Omununuzi waffe ow'omu Lulyo byonna Yabikola. Ekyo bwe kiri. Yee, ssebo.

Akola ki? Alemesa omukono gw'oyo amulwanyisa, Setaani. "Kati bange. Mbazuukizza okuva mu ntaana." Abalimba bona, abakyamya Ekigambo, abafaanana bwe batyo, ne Setaani, Abatwala era n'Abazikiririza mu nnyanja ey'omuliro. Kati, ng'Omugole awangudde. Abasuula mu nnyanja ey'omuliro. Oh, abange!

139 Mumanyi ki? Njagala—Waliwo kye njagala okwogera wano nga tetunnamaliriza. Olwo tu — tu —tujja kwanguyaako. Mwetegereze. Kati tuli kulunyiriri olwomusanvu. Naye okuva ku lunyiriri olwomunaana, okutuuka ku lw'ekkumi-n'enya, njagala mwetegereze ekibaawo. Ebyo byonna ebyali mu Ggulu n'ebyo byonna ebyali mu nsi . . . Kino mukiwulirize buwuliriza. Leka nkisome kati. Nsuubira nti kisingako bwe nkisoma obusomi muKitabo, olunyiriri olw'omusanvu, olaba. Era wekkaanye olunyiriri olwomukaaga.

Ne — ne ndaba, era, laba, wakati w'entebe n'ebiram mu ebina, ne wakati w'abakadde, Omwana gw'Endiga ng'ayimiridde ng'afaanana ng'eyattibwa, ng'alina emitwe musanvu . . . manyanga amayembe musanvu (genteegeza) n'amaaso musanvu, (twakakinnyonyola), nga gyemyoyo omusantu egya Katonda, egitumibwa mu nsi zonna. Olaba, emirembe omusantu eg'yekkanisa, ababaka omusantu abaakuma omuliro ogwo nga gwaka, mukiraba? Kale.

N'Ajja (Omwana gw'Endiga) n'akiggyamu mukono ogwa ddyo ogw'oyo atudde ku ntebe— atudde ku ntebe.

140 Kati mwekkaanye, ekyo bwe Ya kikola, labayo ekyabaawo. Oyogera ku jjubiri! Kaakati, kuno kwennyini kwe kubembula Obubonero nga kugenda mumaaso. Tugenda mu "kitundu ky'essaawa eky'akasirikiiriro," oluvannyuma lwa kino. Mwekkaanye kino, tutandike. Kino tujja kukimaliriza, olwa Ssande olujja, wano wennyini. Era mutege nnyo amatu. Mwetegese? Mugambe, "Amiina." [Ekibina kiddamu, "Amiina." — Omuk.] Muwulirize nnyo, kiki ekyaliwo

141 Bwe Yakola bw'ati. Obutonde bwonna bwe bwali businda; tewali yamanya kya kukola, ne Yokaana yali akaaba. "Wano Omwana gw'Endiga n'Ajja, n'Asemerba!" Era Ekitabo kino kyali mu mikono gya — gya Nnannyinikyo eyasooka, kubanga omuntu yali agudde nga kimuggiddwako. Era tewaali muntu yali asobola kukitoola, nate, okununula ensi; tewaaliwo kabona, ppaapa, oba yenna, nga bwe nnagambye. "Naye Omwana gw'Endiga Yavaayo!" Si Malyamu, si omutukuvu ono oba omutukuvu oli. "Omwana gw'Endiga Yavaayo, ng'Abunye omusaayi, Eyattibwa, n'Atoola Ekitabo mu mukono gwa ddyo ogw'Oyo Eyali Atuddeku Nnamulondo." Era bwe baalaba nga waaliwo Omununuzi; era e — emyoyo gyonna egiali wansi w'ekyoto, Bamalayika, abakadde, bona bwe baakiraba, kino nga kikoleddwa.

142 Nga, ky'eyo, gyebujja mu maaso. Leero Mutabaganya, naye Ajja ku kino. Mwekkaanye.

Bwe yatoola ekitabo, ebiramu ebina n'abakadde amakumi abiri mu bana ne bavunnama mu maaso g'Omwana gw'Endiga, buli muntu ng'alina ennanga, n'ebibya ebya zaabu ebijjudde obubaane, kwe kusaba kw'abatukuvu.

Abo be bali wansi w'ekyoto, abaasaba, wano edda ennyo. Mulaba, baali basabye okununulibwa, baasaba okuzuukizira. Era wano aba — abakadde bana wano bafuka essaala zaabwe mu maaso . . . Kubanga, kati tulina Omukiise, Tulina Omununuzi ow'omu Lulyo mu Ggulu, Azze okubanja ebibye.

Ne bayimba oluyimba oluggya, nga boogera nti, Osaanidde okutoola ekitabo, n'okubembula obubonero bwakyo: Kubanga wattibwa, n'ogulira Katonda waffe (mwekkaanye) olw'omusaayi gwomu buli kika, . . . n'olulimi, n'abantu, n'eggwanga; N'obafuula eri Katonda waffe obwakabaka era ba Kabona, era bafuga ku nsi.

143 Baayagala okukomawo. Era wano baddayo, okuba bakabaka era bakabona. Ekitiibwa kibe eri Katonda! Mpulira bulungi ekimala okwogera mu nnimi. Labayo. Wekkaanye. Yee. Kirabise nga sirina lulimi lumala; Iwe nsobola kukozesa okumutendererezaamu. Nneetaagayo olulala Iwe simanyi na kumanya. Weetegereze,

"Nendaba . . ." Kino mukiwulirize. Ne ndaba, ne mpulira eddoboozi lyabamalayika abangi . . .

144 Wuliriza jjubiri egenda mumaaso. Bwe baalaba Omwana gw'Endiga Oyo ng'Ajja n'Atoola Ekitabo ky'Obununuzi, emyoyo ne gireekaana. Tujjakukifuna. Bonna, buli kimu, abakadde baagwa wansi. Baafuka essaala z'abatukuvu. Eki? Twakiikirwa Omununuzi w'omu Lulyo. Ne bavunnama. Ne bayimba oluyimba, nga bagamba, "Osaanidde, kubanga Wattibwa!" Wekkaanye eki . . . Laba Bamalayika bano!

Ne ndaba, ne . . . mpulira eddoboozi lyabamalayika abangi abeetoolodde entebe n'ebiramu n'abakadde: n'omuwendo gwabwe gwali obukumi emirundi obukumi, . . . mu enkumi; (Whew! Weetegereze!)

Nga boogera n'eddoboozi ddene nti, Asaanidde Omwana gw'Endiga eyattibwa okuweebwa obuyinza, n'obugagga, n'amagezi n'amaanyi, n'ettendo, n'ekitiibwa, n'omukisa.

145 Nga kyali kijagozo kya kitalo ekyali kigenda mu maaso mu Ggulu, Omwana gw'Endiga ng'Akuleembeddemu, ng'Ava mu kaguli ak'okwegayirira, okujja wano okweddiza ebibye! Mumanyi, ekyo kye kyasamaaliriza Yokaana. Ateekwa okuba nga yalaba erinnya lye nga liwandiikkidwa omwo. Obubonero obwo bwe bwabembuka, ddala ateekwa okuba nga yasanyuka nnyo. Wulira kye yagamba.

Na buli kitonde ekiri mu ggulu, ne ku nsi, ne wansi w'ensi, . . . okugeza . . . mu nnyanja, na byonna . . . mu byo, ebirimu, byampulira, nze nga nngamba, Omukisa, . . . ettendo, . . . ekitiibwa, . . . amaanyi, biddeeri oyo atudde ku ntebe, n'eri omwana gw'Endiga emirembe . . .

(Amiina! Amiina, era amiina! Oh!)

N'ebiramu ebina ne byogera nti, Amiina. N'abakadde abiri mu abanane bavunnama ne basinza oyo abeera omulamu emirembe n'emirembe.

146 Kujaguza kwansusso, kiseera kisuffu, Omwana gw'Endiga Oyo bwe Ya vaayo! Labayo, Ekitabo ne mu Ggulu kyali kisibiddwa, ng'ebyama biri omwo. Ogamba, "Erinnya lyange mweriri omwo?" Simanyi. Nsuubira mweriri. Naye, bwe kiba bwe kityo, lyateekebwa mu Kitabo nga n'emisingi gy'ensiteginnabaawo. Naye ekintu ekyasooka, ekyalaga okununulibwa okwo, kwe kujja kw'Omwana gw'Endiga eyattibwa kuntandikwa

y'ensi. Era n'atoola Ekitabo, (kyo Kitiibwa!) N'Ayanjuluza Ekitabo, n'Akibembulako Obubonero; n'Akiweereza ku nsi, eri Malayika We Owoomusanvu, okukibikkulira abantu Be! [Ekibiinakisanyuka nnyo — Omuk.] Ky'ekyo. Oh, abange! Kiki ekyabaawo? Okuleekaana, okwogerera wagulu, zi aleruuya, okufukibwako amafuta, amaanyi, ekitiibwa n'okulabisibwa! [Ekibiina kyeyongera okusanyukira ddala.]

Kati Yokaana ow'edda, muganda waffe, eyali ayimiridde awo, ng'akaaba!"Kale," yagamba, "buli kintu mu Ggulu, buli kintu mu nsi, na buli kintu mu nnyanja, kyampulira nga ndeekaana nti, 'Amiina! Amiina! Omukisa, ekitiibwa, n'amaanyi, n'obuyinza, bibe eri Oyo Abeera omulamu emirembe n'emirembe."

147 Nga kiseera kya ssanyu ssuffu, Obubonero obwo nga bubembuddwa! Yokaana ateeekwa okuba nga yatunula n'alengera okusukka olutimbe olw'Ebiseera, n'agamba, "Wuuyo Yokaana." Oh, oh! Yasanyuka nnyo, n'okutuusa bwe yagamba nti "Buli kintu mu Ggulu." Ateekwa okuba nga yabaaluukannyo, si bwe kiri? "Buli kintu mu Ggulu, buli kintu mu nsi, buli kintu wansi w'ensi, buli kitonde, n'ebirala, byampulira nga njamba nti, 'Amiina! Omukisa, ekitiibwa, n'amagezi, n'obuyinza, n'amaanyi, n'obugagga, bibye.' "Amiina!

148 Lwaki? Okubikkulirwa bwe kwajja, nti Omwana gw'Endiga, Omununuzi, ow'omu Lulyo Iwaffe, akomyewo okuva ku ntebe ey'okutabaganya era azze eno gyetuli okutwala ebibye. Oh!

Mangu Omwana gw'Endiga Aneetwalira Omugole

We okubeeranga naye ku lusegere,

Eggye lyonna ery'omu Ggulu nga likunngaanye;

Oh, nga kisamaaliriza okulaba,

Abatukuvu bona nga bali mu byeru;

Tulifuga ne Yesu emirembe gyonna.

Oh, "Mujje mulye," Ayita Mukama (ku Kigambo),

"Mujje mulye."

Oh, nze — nze —ebigambo bimpweddeko, olaba.

"Mujje mulye, mujje mulye,"

Muliire ku m meeza ya Yesu bulijjo,

(Kaakati! Naye bw'Agenda, tewaba ssuubi.)

Oyo eyaliisa enkumi, n'afuula amazzi enviinyo.

149 "Oyo eyagamba, nti, "Oyo anzikiriza Nze, emirimu gye nkola naye aligikola." Oh, abange! Oyo eyasuubiza ebintu bino mu nnaku ezisembayo. Oyo Eyayogera ebintu bino. Oyo Ali kati mu kiseera eky'okubikkulibwa kw'ebintu bino ngabimanyisibwa. "Mujje mulye." Oh, muganda wange, tokisubwa. Kati ka tukoteke ku mitwe gyaffe katono.

Olunaku olw'enkyo, olw'ekisa kya Katonda, tujja kugezaako okubembula Akabonero ako Akasooka, Katonda bw'Anakatubembulira, Atuganye okulaba okubikkulirwa kuno kye kwali, "okwakisibwa okuva ku kutondebwa kw'ensi."

150 Ekyo nga tetunnakikola, munnange omwonoonyi, oba gwe mmemba w'ekkanisa ow'ekibuguumirize, okoma ku bwa mmemba bwa kkanisa bwokka, oba n'obwa mmemba tobulina? Era bw'oba olina bwa mmemba bwokka, waakiri obutaba nabwo. Weetaaga okuzaalibwa. Otekwa okujja eri Omusaayi. Otekwa okujja mu kintu ekyo ekisangulirawo ddala ekibi, okutuusa nga tekikyajjukirwa nate.

Bw'oba obadde tonneetegeka, nate, okusisinkana Omwana gw'Endiga mu bbanga! Era n'obuyinza obwampeebwa olw'okutumibwa kwange, obwampeebwa Katonda Omuyinza wa byonna, ne bunjigiribwa Malayika mu Mpagi ey'Omulliro, nkulagira, mu Linnya Iya Yesu Kristo! Togezaako ku musisinkna nabwa mmemba obw'amakanisa g'ebinyumu ag'ensi eno.

Jjangu, Omutabaganya, nga bwe mmmanyi, nga Akyali ku Ntebe Awolereza. Kubanga, olunaku lujjaw'olyagalira okujja, nga tewakyali Mutabaganya. Kubanga singa tulaba ekiseera kye tulimu, mumulembe gw'ekkanisa ogwomusanvu, ebyama bya Katonda ne bifuuuka ekyo kye biri nga Omwoyo gwa Katonda ogukakasiddwa gulaga buli kintu kye Yasuubiza mu nnaku ezisembayo, ekiseera ekisigaddeyo kyenkana wa? Munnange omwonoonyi, jjangu.

151 Mukama Yesu, obudde buggwaayo. Buyinza n'okuba nga buyise okusinga ne bwe tulowooza. Eratuli basanyufu okulaba ng'essaawa eno etusemberera. Y'essaawa ey'ekitiibwa ekisingirayo ddala obulungi ensi kye yali erabye, eri omukkiriza. Naye, eri omujeemu, kye kiseera eky'ennaku etalojjeka. Baali

tebasobola kufuna bigambo muwalifu, okuwandiika ebigambo, ebiyinza okulaga emitawaana n'ennaku ebibindabinda. Era tewalibigambo biyinza kuwandiikkidwa okuva mu walifu ebinnyonnyola omukisa ogubindabinda eri omukkiriza.

Kitange, leero, wayinza okubaawo abamu, abatalina ssuubi. So nga bantu bagezi abategeera. Era kati, Omusaayi nga gukyali ku ntebe ey'okusaasira, tusaba Omwana gw'Endiga atambule okuva ku Nnamulondo okujja eri emitima gyabwe, leero, akibabikkulire nti baabula. Era n'emikono egibunye omusaayi, Ayogere, "Mujje, nga wakyaliyo ekiseera eky'okujja." Mukama, mu ssaala zange, obubaka mbuwaayo, mu mikono Gyo. Kola kyonna ky'oyagala, Kitange, mu Linnya lya Yesu.

152 Nga tukotese ku mitwe gyaffe, Oba tonnatwala kusaba kuno n'ekisaanyizo kino; oba weesize kkanisayo, tewaali kintu kyonna kyali kiyinza kukununula. Oba weesize kuwolerezewa kwa mutuukirivu yenna, era osigadde obuze. Oba weesize mirimu gya mikono gyo, ekintu ggwe ky'okoze, emirimu emirungi, obuze. Oba weesize essaala ya — essaala ya maama wo, oba obutukuvu bwa maama wo, obwa taata wo; oba bwe weesize, obuze. Oba weesize engeri gye weewuliramu, engeri muli gy'okyuseemu, engeri gy'obuguumiridde okwogera mu nnimi oba okuzina! Oba ekyo kyokka kye weesize nga ggwe kennyini tomanyi Mwana gwa Ndiga, nga tomumanyi, nkulagira mu maaso ga Katonda, ekintu ekyokitereeze kati, ne Katonda. Munda mu mutimagwo, saba. Era beera mwetoowaze, kubanga Katonda Yeekweka mu binyoomebwa.

153 Jjukira, Bayibuli egamba, "Bonna abakkiriza baabeegattako." Era nga bwe tubasabira, nkakasa ng'ojjakuba n'okusalawo, (ku bubwo) okusalawo okwo okw'Enkomeredde, "Mukama, nja kugamba nti, 'yee!'"

Era okusalawo lye "ejinja." Naye ejinja ligase ki nga tewali muzimbi ayinza okulitema n'alizimbisa, ne lituukana n'ekizimbe? Awo nno, leka Omwoyo Omutukuvu Akusale okuva ku ekyo ky'oli, ofuuke ekyo ky'oteekwa okuba. Oba oli mmemba wa kkanisa wa mubiri bubiri; oba oli mwonoonyi; kyonna ky'oli; bw'oba tolina Kristo, tolina Mwoyo Mutukuvu, Katonda Akuwe emirembe, leero.

154 Kaakati, Mukama, mukutegeera nga bwe mmanyi okujja gy'oli, era nga — era nga mu Byawandiikibwa bwe mmanyi okujja, kati nzija nabano be ntadde mu mikono Gyo, n'Ekigambo. Mukama, nzikiriza, nti Ekigambo kifunye ekifo kyakyo mu mitima gy'abantu, leero. Oba waliwo oyo atamanyi, oba atalina bukakafu obw'obulungi bw'okubeerawo kw'Omwoyo Omutukuvu mubulamu bwabwe; obusungu, obwo, obutafaayo, okweyagala bokka, oba waliwo ekibasaze ku kintukino eky'amaanyi, ne kibatangira okukituukako; oba enzikiriza emu oba — oba — oba embeera, muli ebakugidde obutatuuka ku bulungi obw'okusseekimu ne Katonda; kati esumululwe!

Era nti Omwana gw'Endiga, oyo aliko omusaayi, omutukuvu ow'omu Lulyo, Ajja ng'Atambula okuva ku Nnamulondo, okuyitira ddala mu bitangaala eby'ekyama eky'empagi eza Namulondo ya Katonda, ng'Ajja okubanja obusika Bwe! Katonda, tusaba, leero, nti banaamwaniriza. Buli ekisalibwawo kikolebwe mu kitiibwa, era beeweeyo gy'Ali Yekka Oyo Ayinza okubakomola n'okubafuula abaana ba Katonda ab'obulenzi n'ab'obuwala.

155 Kati, mu ssaala ey'enjawulo, kino nkikola mu ngeri gye mpulira nti nkulembeddwa okukikola. Mu kutya, mu maaso ga Katonda, nga ye Yennyini bwe Yeeraze gye muli. Era nga tobadde Mukulisiaayo, oba tobadde kye tuyita . . . si e — atali — e — era e — eyeegatta ku kibiina ky'eddiini, naye kye ntegeeza ye mukulisiaayo azaaliddwa ogwokubiri. Naye ggwe kkiriza mu Iwatu Obubaka okuba obw'amazima, era mu Iwatu kkiriza nti oyinza kulokolebwa Iwa kisa kya Katonda kyokka. Era okkiriza nti Ayogera naawe mu mutima gwo kaakati, era oyagala okumukkiriza, era oli mwetegef u okusalirwa n'Ekigambo — okuva ku ekyo ky'oli, okutuuka ku ekyo ky'oyagala obeere. Ekyo onookikola ng'okikakasa, ng'oyimiridde ku magulu go? Oba omuntu oyo waali wano, ng'ayagala okutuukiriza ekyo . . . Kyonna mu bulamba bwakyo, yimirira ku magulu go.

156 Kitaffe ow'omu Ggulu, simanyi nate kyakwongera kukola okuggyako okudda mu Kigambo Kyo. Wano waliwo abantu abayimiridde ku magulu gaabwe, abawulira nti tebabadde we bandibadde, beetegekedde Okukwakkulibwa kuno, kubanga kuyinza okubaawo ng'Akabonero Akasooka tekannatubikkulirwa.

Kati, Kitaffe, mbasabira. Nze — nze, ng'omuweereza Wo, mpaayo essala eno eri Omuwolereza ow'ekitalo, Kristo. Nga basaba, nsaba wamu nabo, ku Nnamulondo ey'ekitiibwa kya Katonda awatudde ssaddaaka ey'Omusaayi leero. Ate nga akaseera konna Ava ku Nnamulondo, okujja okubanja ebibye, olwo, ngatewakyali kusaasira kusigadde; kulamulwa kwokka.

Mukama, nsaba, abantu bano abali kumagulu gaabwe, nga bayimiridde; abeenenya, mu mitimanyaabwe, abakkirizza Omwoyo wa Katonda okubabumba, okubakomola, n'okubalongoosa bafuuke amayinja Amalamu, Ennyumba ya Mukama Katonda.

Kituwe, Kitaffe. Mbateeka mu mikono Gyo, kaakano. Era Wagamba, "Oyo alinjatulira mu maaso g'abantu, nange Ndimwatulira mu maaso ga Kitange ne Bamalayika abatukuvu." Kati Otudde awo mu

maasoga bona leero, era bayimiridde, bakwatula. Kati, Mukama, oba ekyo kiviira ddala kuntobo y'emitimba gyabwe, ddala nga Ekigambo kya Katonda bwe kiri ekituufu, kaakano Obawolereza, era obakkiriza okuyingira mu — mu mbeera ey'ekisa n'okusaasira okwa ssaddaaka ey'Omusaayi ogunaaza ogw'Omhana gw'Endiga. Era banaabera babo, mu Linnya lya Yesu Kristo. Amiina.

157 Kaakati, mmwe abalaba abantu bano abayimiridde ku magulu gaabwe, omuvubuka oyo wakati mubo, era n'abo abayimiridde, mmwe abawulira nti ekibi kyonna n'okusalirwa omusango biwedde. Njagala muyimirireko, abamu ku mmwe ababali okumpi. Mubakwate mu ngalo, mugambe, "Ow'oluganda, nkusabira" "Mwannyinaze, nkusabira." Mubasike mumikono, mugambe, "Katonda Akuwe omukisa." Era kati, ebisigadde biri mu mukono gwa Muyinza wabuli kintu. Gamba, "Nja kusaba, era nkole kyonna kye nsobola oku kuyamba mu Bwakabaka bwa Katonda." Oh, Ampita olwa leero! atali — e — era e — eyeegatta ku kibiina ky'eddiini, naye kye ntegeesa ye mukulisiaayo azaaliddwa ogw'okubiri. Naye ggwekkiriza mu Iwatu Obubaka okuba obw'amazima, era mulwatu kkiriza nti oyinza kulokolebwa Iwa kisakya Katonda kyokka. Era okkiriza nti Ayogera naawe mu mutima gwo kaakati, era oyagala okumukkiriza, era oli mwetegefu okusalirwa n'Ekigambo — okuva ku ekyo ky'oli, okutuuka ku ekyo ky'oyagala obeere. Ekyo onookikola ng'okikakasa, ng'oyimiridde ku magulugo? Oba Oh, Yesu Ampita olwa leero! Ampita n'ekisa olwa leero!

158 Mumwagala Ye? [Ekibiina kiddamu, "Amiina." — Omuk.] Si wa kitalo? ["Amiina."] Oh, twandikoze ki kino we kitali? "Omuntu taabenga mulamu na mmere yokka; naye na buli kigambo ekiva mu kamwa ka Katonda, omuntu anaaberanga mulamu." Oh, Mukama, Ndiisa, Ekigambo. "Naye mmwe temulekangayo ku kunngaana wamu, ng'abatakkiriza bwe bayisa, naddala nga mulaba olunaku luseembedde."

Katonda nga Ayagadde, olunaku Iw'enkyo, olw'ekisa kya Katonda, naagezaako, nga bwe nsobola, okumusaba Atuwole . . . Atuwolereze, ng'ebyama by'Obubonero buno, bwe bibikkulwa, mbuulire Ekigambo kya Katonda eri abantu.

159 Okutuusa Iwe tulisisinkana, Katonda Abeere nammwe! Era kati olukunngaana nduzzaayo eri Muganda waffe omwagalwa, ow'oluganda Neville, omusumba. Bameka abaagala ow'oluganda Neville? [Ekibiina, "Amiina." — Omuk.] Ffenna tumwagala! Semberako eno mu maaso, ow'oluganda Neville. Ow'oluganda Neville, Katonda Akuwe omukisa.



Byabuulirwa  
William Marrion Branham  
"...mu nnaku z'eddoboozi..." Kub. 10:7